

TRAGOE-

DIA ALIA NOVA MERCATOR,
SEV IUDICIUM, IN QVA IN CON-
spectum ponuntur Apostolica & Papistica doctrina,
quantum utraque in conscientie certamine ualeat &
efficiat, & quis utriusq; futurus sit exitus.

THOMAS NAEGEORGO
Straubingensi autore.

Ad Mercatorem quen dam

Ringeris & mordes, isthac quod Tragœdia
Fert Mercatoris nomen, atq; clamitas
Quasi te cunctosq; Mercatores uellicem,
At falleris. Neq; enim te uel similes tui
Carpo, quum uestrae rationes atq; studia
Lateant, & prorsus quales sitis nesciam.
At meus hic certe Mercator talis fuit
Ut scripsi, Nam tam bene noui quam qui optime,
Quare non est quod te lesum esse censeat.

ANNO LX

10 DAY

THE UNIVERSITY OF CHICAGO
LIBRARY

THE UNIVERSITY OF CHICAGO

ILLVSTRIS

SIMO PRINCIPI

AC DOMINO. D. HENRICO, DVCI

Saxonie, Landgrauio Thuringie, Marchioni

Misnie, Domino suo clementiss.

Simo S. D.



VANTVM RELIGIONI

Christiane, Princ. illust. per Papatus tyrannidem, & doctrinas impias, tenebrarum, pestis, superstitionumq; inuectum sit, intelligit iam propè u-

niuersus orbis. Clarius autem perspiciant necessum est, qui Euangelij syncera ac sana doctrina instituti, diuinae ueritatis atque mentis se gaudent habere noticiam, quam Papatus aliquot huc usq; seculis neque ipse solum non cognouit, sed omnes etiam homines ab ea abduxit quàm longissime, unde & quàm prauissimas & impijssimas de Deo rebusq; diuinis, ad suum ipsorum interitum concepere opiniones. Non aliter proinde illi Papatum intus & extra norunt, quàm qui ex ipsis inferis, & mortis terroribus, tenebrarumq; inuolucris erepti, recte inter tenebras et lucem, mortem & uitam norunt discernere. Porro, isthæc Papatus cognitio, quia ad salutem pertinet, nimirum ut Christiani errores & mala dogmata cauere, & sacram doctrinam

A ij amplecti

EPISTOLA

amplecti sciant, per complures hac tempestate manife-
 festata & ostensa est, ut non ipsi solum recte saperent,
 sed etiam omnes alios quo ad eius fieri posset, à perni-
 tiosis dogmatis uindicarent. In quo quidem negotio
 D. Martinus Lúthe. syncerus sacrarum literarum in-
 terpres, longe princeps & antesignanus fuit, quem
 postea in hoc ipso imitati sunt multi boni iuri. Neque
 id iniuria. Viderunt enim Papatus tyrannidem profligare,
 & Euangelij lumen cunctis patefacere, opus
 non solum utilissimum, sed & pernecessarium esse. Si-
 quidem summo conatu Papatus laborat tyrannidem
 conseruare, omnesq; suo iugo subiicere, & Euangelij
 doctrinam hæreseos titulo toti orbi inuisam reddere
 & extirpare. Proinde si qui Christianæ libertatis ue-
 ritatisq; sunt studiosi, contrà salutis causa id agant ne-
 cessum est, quo perspicuum fiat omnibus & singulis
 quantum insaniant, quicunq; aut Papatum sectantur,
 aut illum præfracte conantur defendere, quorum ad-
 huc ubiq; magna copia est. Quapropter & ego pro
 mei ingenij tenuitate in hoc theatrum ad Papatus ty-
 rannidem et pernitiiosa dogmata qualicunq; modo de-
 pingenda; & omnium oculis subiicienda, hortatu &
 iussu bonorum doctorumq; uirorum processu, compo-
 suiq; hanc alteram Tragœdiam, (uel si quis mauult ap-
 pellare Tragico comœdiam) in qua omnes & præser-
 tim tenera ætas, diuersarum doctrinarum, Papatus
 nempe & Euangelij diuersos fines animaduertet.
 Nescio enim quo pacto puerilis ætas à contionibus &
seueris

DEDICATORIA.

Seueris institutis abhorreere uidetur, faciliusq; ludicris rebus quam seriosis ducitur, quod quidem an natura contingat uel accidente quodam externo, nihil hic at-
tinet disputare. At plurimum certe refert, à teneris re-
cte institui, sanisq; informari opinionibus, quocunque id tandem fieri possit modo. Quippe si qua mundi melioris spes est, eam iuuentus probè instituta deinceps exhibeat necessum est. Nos ipsi documento sumus, quàm difficulter & tarde à salua semel conce-
pta, atque opinionibus in tenera ætate apprehensis, iam ætate prouecti homines abduci queant. Quæ quidem abductionis tarditas, ut in bonis laudanda, ita in malis reprehendenda & pernitiōsa est. Non nihil igitur meo iudicio, boni facere uidentur illi, uel qui quum iuuentuti præsent, rectissima tradunt, uel qui utrosq; strenue ad recta capessenda exhortantur, ansamq; ad id quàm commodissimam præbent. In quo quidem genere nos esse uoluimus, quod an simus assecuti, aliorum esto iudicium. Scopus hic certe noster fuit & in priore & in hac Tragœdia, ut iuuentus Papatus doctrinam & tyrannidem quoquo modo animadu-
teret, rectisq; & firmissimis secundum Scripturas, ad-
ductis cognitionibus, de peccatorum remissione, & Euangelij summa, de terroribus mortis pro male acta uita, de certitudine uitæ æternæ, quam nemo sanus non querit, imbueretur, & id per lufum quidem. Fin-
xi enim in hac quendam moriturum uarijs & multis inquinatum sceleribus, mundo mundi-
q; studijs dedi-

EPISTOLA

tum, qui quum in extremis peccatorum admoneretur
 a Conscientia, uerisq; mortis æternæ agigaretur ter-
 roribus, cupidissime salutis uiam & peccatorum re-
 missionem quaesuit. At parochus quidam accersitus,
 Papatus illum dogmatis instituit, nimirum, ut in ope-
 ra & merita collocaret fiduciam, oblitus interim mor-
 tis & beneficij Iesu Christi, quomodo nos sola miseri-
 cordia à Deo patre in gratiam acceptamur, consen-
 tientibus Apostolis & Prophetis. Ea fiducia Mercator
 (ita enim appellari placuit moriturum) intumuit,
 se nactum uidelicet putans, quo coram Deo possit glo-
 riari, & quod iudicio iræq; Dei opponat, quomodo
 sanè multi homines sunt animati. Quia uero impossi-
 bile est, ut peccatis agnitis, & animo peccatorum &
 iræ dei præformidine inquieto, operum meritorumq;
 fiducia consistat, cum quod nobis plurimum malorum
 quam bonorum simus conscij, tum etiam, quod diabo-
 lus mirus & efficax artifex est, ad resellenda & euera-
 tenda opera & iusticiam nostram, conscientiam Mer-
 catoris finxi incommodam & molestam, semperq; re-
 luctantem operum fiduciæ, ita ut Mercatoris animus
 illi doctrinæ acquiescere non potuerit, nec pacari. Lu-
 ctabatur sinul & operum tumida fiducia, peccato-
 rumq; immensa grauitate, donec peccata, (quod fit)
 effecere, ut iam iam oblita illa fiducia uitam & salu-
 tem planè esset desperaturus, ni è supernis iussus esset
 sperare. Inde ab illa operum fiducia purgatus, certaq;
 Euangelij doctrina institutus est, cui institutioni &
 conscientia

DEDICATORIA.

conscientia & peccata extemplo cessere, exq; ea in
 firmissimam salutis spem peruenit. Nemo autem non
 nouit opinor, isthoc uerbum Euangelij, & cognitanz
 in Christo Iesu solam gratiam, quæ fide apprehendi-
 tur, efficere solere. Ad iudicium igitur illa spe fretus
 accedit. Porro, quo clarius innotesceret, quid inter
 Papatus & Euangelij doctrinam intersit, quantumq;
 utraq; in dei iudicio ualitura sit, ex aduerso sinxi alios
 tres Papatus sectatores, unà cum Mercatore iudi-
 cium accedere. Vbi quid sit iudicatum, & qui diuer-
 se fuerint fiducia fines, ex quinti actus contextu le-
 genti patebit. Isthoc figmentum Prin. Illust. quia ad
 uitæ probitatem & dei metum, atque ad sinceram E-
 uangelij doctrinam capeffendam hortatur, existima-
 ui neque iniucundum neque inutile iuuentuti fore.
 Atque hercle idem confido uisum iri, quicumq; candi-
 dioris animi de illo iudicaturi sunt. Sycophantas &
 Euangelij hostes nihil moror, qui, sicuti in priore ita
 etiam in hac ostendent, quàm egregij sint in aliorum
 operibus reprehendendis artifices, quum interim ipsi
 neq; priuatim neq; publicè quidquam in communem
 utilitatem adferant. Eiusmodi hominum iudicia me ni-
 hil mouent, neque boni uiri est, propter quorundam
 improbitatem à communib. commodis promouen-
 dis absterreri. Si quis omnino aut odio aut animi pra-
 uitate adductus aliorum labores uult lacerare, sciat pal-
 mam in medio omnibus esse positã, quare procedat in
 theatrum, edat meliora, & nos interim tacebimus. Ego

EPISTOLA

neque ingenij ostentatione, quod mediocre est, neque cuiusquam odio aut traductione, nisi fortasse Evangelij hostium, Tragœdias aduersus Papatum scribere orsus sum, sed quum uiderem eruditissimis & scriptis & contionibus in negotio Euangelico adultis bene ac satis consultum esse, puerilem tamen ætatem illis ipsis non delectari, non inutile fore ratus sum, Papatum à contionibus in theatrum produci. Quanquam ego id fortasse non ea fœlicitate & eloquentia facere potuerim, qua oportuit, & qua alij facere possent, mihi tamen & in hoc ueniam dabunt candidi lectores, tanquam τῷ πρωταπειρῶ. Mihi satis est interim cæteris doctioribus & eloquentioribus uel occasionem dedisse, ut debito apparatu ad hoc negocium accedant. . Tuae autem clementiæ Prim. Illustriss. hunc in eum laborem nominatim dicare, & tuis ueluti auspicijs in publicum dare constitui, cum ut meam erga te obseruantiam declararem, primusq; pro adepta hæreditate paterna munusculo quodam literario tibi gratularer, tum etiam, ut in amplificanda Iesu Christi gloria, Papatusq; tyrannide in ditionibus tuis extirpanda, ut hæcenus fœliciter orsus es, ita porro quoque pergeres, quo nec acceptius Deo quicquam, neque tuis subditis utilius facere potes, te adhortarer. Quanquam sanè mea adhortatione tibi nihil sit opus, quum res ipsa per se id abs te flagitet, deiq; spiritus è supernis hunc animum iam olim tibi dederit, eumq; aucturus est procul dubio indies magis. Tantum igitur
peto ut

DEDICATORIA.

peto, ut meum hunc laborem boni consulas, dignerisq;
pro tua in omnes clementia, & me & hoc scriptum
in præsidium tuum suscipere, meq; habere com-
mendatum. Vale. Ex Sultza. 26. Maij
Anno 1539.

Thomas Naogeorgus.

P R O L O =

G V S.

SI noua (quod aiunt) est contio gratissima,
Huc auidum spectatores animum aduortite,
Nouam adportamus & hanc uobis Tragœdiam,
Cuius nobis ansam etiam Papatus dedit.
Si placet igitur argumentum uobis modo
Exponam paucis. Iussu Christi iudicis
Homines ad iudicium citauit quatuor
Lyochares, nuncium quem mortis finximus,
Inter eos uero & Mercator citatus est,
Quem sic proprio placet appellari nomine.
Is ex citatione insperata anxius.

A V

A parocho

P R O L O G V S.

A parocho doctrina imbuitur Papistica,
Vt à peccatis liber in cœlum uolet.
At doctrinæ illi contradicit (nescio
Quo sato) mercatoris conscientia.
Peccata semper, semper & iram prædicat,
Vnde ille in cordis detruditur angustiam:
Præsertim tamen ut Satanae uidit codicem, &
Peccata sua in illo exacte scripta omnia, &
Aduersus Satanam omnem ludi parochi operam,
Paulum aberat quum suum desponderet animum.
Verum è supernis est afflatus numine,
Simulq; missi Paulus Cosmasq; medicus,
A Papatus illum repurgant dogmatis,
Certamq; pro peccatis rationem docent.
Quo facto ad iudicium se animo bono parat.

Interea alios tres Papæ edoctos dogmatis
Ad iudicium Lyochares pellebat, quibus
Et mercatorem iungit, sibi bene conscium,
Eo quòd Christi lotus esset sanguine,
Cuius se credit seruatum iri dextera.
Ast alij in se suaq; habebant fiduciam,
Mœstisq; iudicem adibant conscientijs.
Post iudicatis singulis, in inferos
Truduntur tres, at Mercator superos petit.
Tantum est. Diuersarum doctrinarum, exitus
Etiam diuersos è Scripturis tradimus.
Adeste. Non pigebit scio paulisper his
Animum curis uacuum aduortisse ludicris.

PROLOGVS.

INTERLO=

CVTORES.

Lyochares.

Mercator.

Conscientia Mercatoris.

Puer.

Lucrum.

Satanas.

Parochus.

Medici.

Christus.

Paulus.

Petrus.

Cosmas.

Princeps quidam.

Episcopus quidam.

Franciscanus quidam.

Michaël.

LYOCHARES

ACTVS

LYOCHARES.

NE quis requirat qui sim, paucis eloquar.
 Lyochares uocor, atræ sum mortis nuncius,
 Re fortasse hominibus notior ac nomine
 Nam semper inter illos uersor, nec pedem
 Aliò è terris quoquam conferre licet. Ita
 Perpetuis usq; fatigor hic negocijs.
 Quæ sint uel stultus, opinor, posset noscere.
 Nolite terreri. Trux sum & sæuus quidem
 Verbis factisq; (ita meus me uoluit pater)
 Non nullum tamen haberent à me commodum
 Mortales, si suis non ipsi incommodis
 Gauderent, haud quaquam curantes res suas
 Quantumuis moniti rectius disponere.
 Ad uos sanè iam nil mandatorum adfero,
 Quare confidite uerbisq; animum aduortite:
 Nam sunt quæ porro uos omnes scire cupiam.
 Nomen tenetis iam, & ut puto, negocia.
 Negatis? Dicam si cupitis apertius.
 In medijs ego mortales obruo gaudijs.
 Ingratus sanè nuncius bene agentibus,
 Quin nec amice compellor ab his qui agunt male.
 Nam & uarijs cunctos sine discrimine pestibus
 Onero morbisq;, si quando illis adfero
 A summo quidquid est decretum iudice.
 Hoc ad negocium isthac utor mantica, in
 Quam mortis omnes aculei sunt conditi,
 Supplicia, poenæ simul ignotæ ac cognitæ

P R I M V S.

Morborum pestiumq; diuersa genera.
 Vultis specimen horum uobis ut proferam?
 Scio uos nolle, neq; ut faciam mandatum est mihi.
 Profero solum quibus iubeor & debeo;
 Quemadmodum & hodie quibusdam protuli.
 Et nulla dies mihi abit sine linea. Sed o
 Deum immortalem, quam secure uiuitur
 In terris? quam nulla est mortis memoria? Nec
 Cuiquam iudicij supremi in mentem uenit?
 Si non quotidie aliquos de mundo carperem,
 Reges, tyrannos, pauperes & diuites,
 Ignobiles & nobiles, & sepius
 Firmatam longe uitæ spem mortalium,
 Amplas diuitias, imperia, potentiam,
 Ambitionem, uoluptates, lucra dulcia, &
 Negociationem inexplicabilem,
 Repentino incursu fortiter abrumperem,
 Possent sanè mortis obliuisci homines. Sed in
 Tantis quas moueo turbis rebus in omnibus
 Securum demoror illos gerere animum, &
 Iniquitati omne studium & operam dare
 Posse. Furantur, rapiunt, pergræcantur, dolos
 Cudunt, bella gerunt, scortantur, ut illa interim
 Omittam hominis sunt quæ interioris huleera,
 Malas opinionès, tenebras cordium,
 Quibus sibi mortales mirum in modum placent.
 Quasi uero ego nihil sim cuius curam gerant.
 Aut nulli sit ratio reddenda iudici,

A C T V S.

Nec rerum finis appropinquet omnium.
 Istiuc quum sæpe aliàs tum hodie sensi magis,
 Simul ac ad tres hodie mandata pertuli.
 Hem quàm nihil erat illis insperatius
 Meus quàm aduentus, ac mandata urgentia
 Suorum ut operum reddant rationem, & dein
 Iudicis in crastinum expectent sententiam? Et
 Si uacat exponam breuiter uobis singula.

Primum Princeps quidam conueniendus fuit:
 Is uero diues obsidebat oppidum,
 Dura fremens millibus tormentisq; aeneis,
 Si illud non ante occasum solis in suas
 Redigeretur manus. Addens, frustra hactenus
 Se bella tot annis confecisse plurima,
 Et claro incassum celebratum esse nomine
 Si homines imbelles oppidumq; nihili, iam
 Tandem suæ resisterent potentie.
 Hæc dicens, oculis arma capit ardentibus,
 Hortatur strenuos, ignauis horrida
 Minatur, muros quassatos iubet aggredi;
 Medio ipse cum primis miscetur agmini.
 Hic ego placide accedens, heus inquam, quo ruis?
 Mecum tibi eundum est, ut die te crastino
 Iudicio sistam: Totus ille expalluit,
 Trementiq; statim excidit è manibus lancea,
 Quam in ciuium perniciem corripuerat. Et
 Adhuc reluctanti illi (ut mos est ferè hominum)
 Prolatam mantica ex hac peste in, lateribus

Infixi

P R I M V S.

*Infixi. Hic uidisses medicos accurrere,
Tristari procures & canere receptui,
Turbari milites, exultare oppidum,
Fractosq; in sibilum conatus uortier.*

*Vt autem inanis uisa est medicorum opera et ars;
Monachus quidam accersitur uentrosus, (ad
Quem o si habuisssem mandata) qui tristem instruat.
(Nam extemplo aderat proterua conscientia,
Multorum ac magnorum facinorum illum admonens:
Hinc illa tristitia, quod non ratio satis
Ad iudicium pro factis tot subducta erat.)
Et consoletur doceatq; modum quo queat
Peccatis solui, & iustus adire iudicem.
Quæ monstra eum docuerit post uidebitis.
Sic doctus rem diuinam audit & absoluitur;
Quantumuis reclamante conscientia,
Operibus nullis exoluisse debitum,
Nec rationem factam accepturum iudicem.
Monachus contra duello certat uincere
Donec commentis, multis & periurijs,
Comptisq; nugis preßit conscientiam.
Cuius rei gratia multa tulit munera
A principe, ut semper solent mendacia
Donis in mundo ueritatem uincere.
Fortiter interea tergo conscientia
Fascem illi debitorum astringit omnium.
Ita quidem Princeps ut mecum eat accingitur,
Monacho suam pro illo dante animam pignori*

Nullo

A C T V S

Nullo pacto rationem posse fallere, aut
 Reprobari. At res uerum docebit postea.

Et ut rem in uerba conferam paucissima
 Haud secus & imparatos adij alios duos,
 Nempe instituti Franciscani simiam
 Quendam, et male ἐπισκοποῦντα quendam episcopū,
 Haud secus & isti luctabantur strenue,
 Nugis ut uicta tandem conscientia
 Quiesceret. Haud secus & utriq; debita
 Fascibus imposita sunt à conscientijs,
 Fortasse ut intelligerent, quàm belle sibi
 Pro debitis tot esset subducta ratio.

His ueni hodie nuncius haud ex sententia,
 - Eosq; alijs intentos rebus repperi,
 Quàm ut suspicarentur adesse extremum diem.
 Neque ferè aliter animatos iam offendere licet.
 Adeo nullus ueretur male agere, nec parat
 Se iudicio quisquam aut rectam uiam ingredi
 Discit, probis nec se dedunt doctoribus,
 Sed hauriunt pleno gutture mendacia,
 Quibus pereunt, quamuis aliter existiment.
 Me iussa quidem exequi decet, haud minus tamen
 Et ipse salutem desidero mortalium.
 Ut, quamuis interiret corpus peste, uel
 Alio quouis modo ut decreta postulant,
 Tamen ad salutem seruaretur spiritus.
 Sed fermè effecerunt ut nullius nūhi
 Grauis sit interitus, & misericordia

PRIMVS.

Nulla tangar. Nam si iuxta prouerbiū
 Piscator ictus sapit, in causa quid sit, haud
 Video, cur mundi huius uel sapientissimi
 Nullis ictibus aut exemplis sapere uelint,
 Ut cautius agant, & res omnis iudici
 Probari possint. Aut si id fieri non queat,
 Discant saltē quī nām placetur, aut quibus
 Ex rebus certo dimittantur debita. At
 Horum nulla prorsus tanguntur curā. Ita
 Corpus & animam simul laborant perdere, &
 Pleno rapidoq; cursu eunt ad tartara:
 Ut & ipsa salus tametsi maxime uelit,
 Seruare tamen non queat homines eiusmodi.
 Et si ex citatis non nulli tandem uel in
 Extremis recte ducti possent resipiscere,
 Tum sibi (malum) ductores cecos applicant.
 Mendaces, palpatōres, bestias malas,
 Quibus ego si liceret cerebrum lapidibus
 Libenter excuterem, peste aut fortissima
 Tanquam ē superhis fulmine tactos perderem.
 Quid enim illi aliud faciunt, quā reddunt perditos
 Perditiores? & implicatos implicant
 Magis atq; magis? lippisq; oculos planē eruunt
 Odio habeor ego propterea à mortalibus
 Quod me uenientē soluitur omnē gaudium,
 Nam sunt linquenda quæ hīc habent charissima,
 Corpusq; omnigenis perdo calamitatibus
 Morti ut concedat dedaturq; uernibus,

A C T V S

Quis sit, ut illi impostores non simili modo
 Sint omnibus odio? An qui animam perdit, minus
 Delinquit, quàm qui corpus peste percutit?
 Aut qui perpetuum aufert minus putabitur
 Lædere, quàm qui aufert temporale quidpiam?
 Quum illi præstigiatores ex industria
 Animabus insidentur, & quod maius est,
 Nullius iussu (ut ego) & corpus tandem & animam
 Ad æterna ultro promoueat incendia,
 Potentur sedulo, pascuntur pinguibus,
 Amice compellantur, & ex summis lucrum
 Iniurijs daranisq; reportant maximum.
 Quis non hîc uel Mosaicæ mansuetudinis
 Indignitate rerum motus clamitet?
 O stolidos iuxta ac miseros homines. Quàm diu
 Vestro serpentes in sinu fouebitis?
 Quousq; tandem credetis mendacijs?
 Quàm diu animarum carnifices amabitis?
 Sed omnis clamor frustra est. Decipi uolunt;
 Ipsosq; deceptores ultro provocant.
 At uos tamen prudentiores fore puto:
 In eiusmodi rebus ego uersor perpetim,
 Asto & deceptis atq; deceptoribus,
 Haud cum indignatione mentis paruula.
 Quapropter mihi res isthæc sunt notissimæ
 Si uobis nondum sunt, saxo tamen ut fient.
 Nam adhuc restat citandus Mercator mihi
 Qui in hisce ædibus habitat. Hic haud aliter erit

P. R. I M V S.

(Vt nunc quidem sunt hominum mores omnium)
 Animatus, nec melius sapiet quam ceteri.
 Nisi fortè aliam mentem illi cœlestis pater
 Dederit, quod sanè non contingit plurimis.
 Sed quid moror adire & pulsare ianuam?

SCENA SECVNDA.

CONSCIENTIA, LYOCHARES.

V Aeh misera mihi, ut omne meū ius peruertitur;
 Vt indigne opprimor & à familiaribus:
 Vt nemo in hac me uult familiare respicere.

O ius & equitas & sancti iudices
 Ecquis uestrum suppetias mihi ferre poterit?

LY. O mortis terror, quanam isthac est foemina
 Quæ pro foribus plorat? Quod ad aspectum attinet
 Audax quedam uidetur & mire impudens.
 Sed alloquar & percontabor quid sibi uelit.

Mulier quid ploras? quid tibi hic negocij est?

CON. Quid ego non plorem aut uociferer miseram
 Heū quàm equitate est uiolentior iniquitas.

Lucrum heu lucrum, quàm me festinas perdere.

LY. Quid tibi uelis mulier nondum etiam intelligo:
 Dic si potes breuibus, quæ sis, & quid tibi
 Molestum sit. Concede huc paulum à ianua.

CON. Ego sum huius Mercatoris conscientia
 Qui in hisce ædibus habitat. LY. Quid, conscientia?

CON. Ita inquam. LY. Quid tu ergo hic foris es &
 non domi?

B ij CON.

A C T V S

CON. Dicam. Ego cum hoc Mercatore à teneris
(quod ferunt)

Vnguiculis creui, & una habita sum ex familia hac,
Simul semper procurans res domesticas
Sancte & iuste summisq; meis pro uiribus.
Atq; utinam ille meis paruisset iussibus
Neq; se tot inquinasset flagicijs statim
A primis annis, mihi reluctans perpetim.
Interea uenit huc quedam meretricio
Habitu, quam appellabant sortem, aspectu hercule
Non inuenusta, blanda, lasciuia nimium,
Aspicientibus arridebat amice satis.
Non tamen ultro uenit, sed ab illo perfido, in
Alienis quæsitâ fuit & crepta donibus.
Ea quum non admodum diu hac in familia
Versata esset, mercator eam amare occipit,
Donec nihil ueritus adulterij scelus
Neq; legem Iuliam, cum illa rem clanculum
Habuit grauidamq; fecit. Erat tum illud mihi
Primum graue. Nam nihil præ sagibat animus
Bonî. Hinc uerbis illum obiurgavi plurimis.
Quod flocci faciens me contempsit rustice.
Et aduenam illam coepit multo impensius
Obseruare & fouere, ne molestie
Illi quidquam fieret à familiaribus,
Vsq; eo, ut quo curari posset ampliter,
Et seruis uictum minueret & stipendia,
Et quotidie quidquam ad labores adderet.

Vnde

Vnde illam diris deuocabant sæpius.

LY. Vt illa etiam num exemplis pereat pessimis.

CON. Peperit autem non decimo, ut ceteræ solent,
Sed quinto mense, abortum ut omnes crederent.

LY. Viuebat ne foetus tempore tam incongruo
Aeditus? CON. Haud poterat uita in illo conspici aut
Sentiri. Quare exanimatus prorsus pater,
Suo correptum extemplo foemori insuit,
(Quod & Iuppiter olim fecisse dicitur)
In quo illum alijs gestauit quinque mensibus,
Ita ut in iusto bis nasceretur tempore.

Iamque secundo natus (uisu mirabile)
Grandis erat, audacter solus ut incederet
Nec matris unquam flagitaret ubera.
Statimque ille puer mihi molestus esse, me
Irritare & mecum certare coepit. At
Ego tum uincebam illum tamen, neque potuit
Tametsi maxime cuperet me opprimere. Iam
Vero ut adoleuit coepitque esse charior
Ipsi que patri cunctisque familiaribus
Effecit & uiribus & communi omnium
Sententia, ut multata male eijceret domo,
Ne unquam suis quid aduorsarer commodis.

LY. Quod erat illi puero nomen? CON. Pater quidem
Domesticique omnes appellabant lucrum:
Sed alij, illius ut perspecta est audacia
Τόκος græco uocabant nomine. Scilicet
Rebus propius inspectis æ qui iudices.

A C T V S

LY. Male uelim differeat seu lucrum seu Τόκος
 Vocetur. **CON.** Ita ego misera multum temporis
 Pro foribus asto, in aestu, frigore & imbribus
 Et exeuntes & intrantes obsecrans
 Ut intromittant, patianturq; uel infimi
 Subsellij esse, si quidem prior locus
 Et dignitas negaretur: Sed tauricum
 Tuentes, nolunt, prohibente atq; ianuam
 Custodiente lucro, nullam aliam (quod sciam)
 Ob causam, nisi probis quod gaudeo operibus,
 Et semper improbis aduersor sedulo.

Quum è regione lucrum impense gaudeat improbis.

LY. Quæ te ergo mala crux agitât, ut maioribus
 Et fortioribus aduersere, quod solet
 In proprium haud raro cedere exitium? **CON.** Eho tū
 Suades, ut cunctis non solum tacentibus
 Sed applaudentibus etiam uel pessimis
 Factis, & ego taceam nec aduerser? Nihil
 Agis. Ante me coelesti tactam fulmine,
 Aut cæcam surdamq; uelim, quàm isthæc perpeti,
 Lucrum eijciat, Mercator ipsus opprimat,
 Erit tamen aliquando tempus & locus
 Ut & Lucrum huius det poenæ audaciæ
 Et ego negotiatori isti perditio
 In faciem stetero, & omnia eius improba &
 Scelerata facta in memoriam redegero.
LY. Ut impudens es, nil alienum feceris.
CON. Nondum etiam me huius puduit impudentiæ.

Pudeat

PRIMVS.

Pudeat mendaciorum & facinoris mali,
 Non ueritatis, officij, & operis boni.
 Sed cur ego tibi hanc denarraui fabulam?
 Num ut irrideres? Et non potius ut inopi &
 Afflicte in his suppetias ferres casibus?
 Odiosum hominum genus, aliorum incommoda
 Casusq; diligenter expiscantium,
 Ridendi ut habeant materiam, non ut iuuent,
 LY. Non huius sum farinae mulier, ne putes.
 Sed iam faxo domus ut isthæc tibi pateat,
 Iusq; tuum possis obtinere, & in locum
 Et dignitatem restituare pristinam.
 CON. Ah ne me falso ducas gaudio obsecro.
 LY. Ne timeas, me uide. Sequere hac sis iam. CON.
 Sequar.

SCENA TERTIA.

MERCATOR. PVER. LVCRVM.
 LYOCHARES. CONSCIENTIA.

Perscripsisti ne iam rationes mercium,
 Simul & dati & accepti, quantumq; fecerim ex
 Exoticis alijsq; mercibus lucri?
 LY. Domi est. Auscultabo paulisper quid gerat.
 Nam nescio quid loquitur. PV. Ne cures. Singula
 Perscripsi & digessi in suos tomos. MER. Bene.
 At diligenter. PV. Accuravi sedulo.
 MER. Vide sis, ut rationes consent omnium.
 PV. Ne dubites inquã. LY. Tamẽ ego me in rationibus

A C T V S

Non esse certo scio. MER. Verborum tibi quidem
Nil deest, at in rebus permultum sentio.

Si uis mercaturam discere sciliciter,
Attentus, cautus, diligens, industrius
Oportet ut sis, nullus te fugiat dolus,
Versutius tibi sit instructum pectus, &
Periurijs nihil mouere pro lucro.

L Y. Sed, scio, mouebimini sexcentis pestibus.
Hæc arguunt satis mulier, te nec domi
Esse, neq; istum tuis consilijs corrigi.

MER. In primis isthuc cogitato iugiter
Ne pluris emas quàm uendas. Hoc sit tibi scopus.
Ad hoc tua omnis referenda est industria.
Quod ut assequare, occasiones temporum
Obserues, uendendi & emendi, scilicet.

L Y. Sed nullus obseruat moriendi tempora.

MER. Haud secus & deteriora & propè perdita situ,
Primum curato exponere; Et si quis uelit
Emerere recentia, tu ueterrima clanculum
Obtrudito. Quin & inter eminentium manus
Solenter merces commutare discito.
Interdum etiam recentium aliquid uendito,
Donec homines illexeris ad te ut confluant
Solum, tanquam inter plurimos iustissimum.
Sunt & alia quotidiana quædam non secus
Accuranda. Ex mensura nec non pondere, &
Frequenti temperatura, aut, si apertius
Vis, curatura mercium, multum lucro

Accedit

P R I M V S.

Accedit. CON. Audis ut operam huic dent maxime,

Me abiecta & oppressa penitus? LY. Vt audio

Lucrum uocant quod est iniquo proximum.

MER. Comiter emptores inuitandos censeo.

LY. At te ego profecto haud inuitabo comiter.

MER. Duplo indices fac semper mercimonia,

Ignaris praesertim, & si quem conspexeris

Aut stupidū, aut simplicem, & qui appellat perperam

Quis quærat res, & hominum ita ignorantia

Vtare, ut marsupium tibi lucro turgeat.

LY. At tu turgebis paulò post peste ualida.

MER. Nam ut perhibent, stultis facillime emptoribus

Quisq; institor obtrudit suas res cum lucro.

Quare fac ut homines perdiscas noscere.

Qualescunq; autem fuerint homines, memineris

Semper tamen iniquum petere ut æquum feras.

Foro etiam utere per diligentem. Caue etiam

Te segnicies capiat, sed primus omnium

In nondinis adsis, primus & exponito,

Reponito ultimus, redito domum ultimus.

LY. Vah si tantum operæ sumerent homines, boni ut

Fierent, bono hercle animo iudicium accederent:

MER. Nullum ex quavis re & quamuis exiguum lucrū

Spernas aut negligas, neq; unquam isthuc tibi

Turpe putes. Quid enim tu facias? Si non fuit

Olim Vespasiano turpe Cæsari,

Ex lotio male olenti colligere pecuniam,

Neq; tibi id quisquam nicio uerteret. Et, ut male

A C T V S

Cedat, maledicisq; lacerere uerbulis,

Quàm facilius ferantur uerba quàm inopia

Fac cogites, quantaq; sit dulcedo lucri.

Proscindi tolerabilius est quàm conspui.

PV. Scio: MER. Quare animū caute aduertat questui.

PV. Meminero. MER. Partis sequitur honos ac digni-

Pecunijs, tuos inter ut emergere (tas

Et supremus fieri possis ex infimo, et

Contingat uita tibi uel tandem umbratica.

PV. Intelligo. LY. Hæc sunt uestra studia perdit.

Hæc uos nequissimi senes infantibus

Ferè occinitis magnaq; inculcatis opera.

Nemo horrorem mortis nec iudicij metum

Pueris proponit, quo ipsis à cunabulis

In iusticiæ illos duceretis semitas.

Vt omni ab iniquitate cohiberent manus

MER. Vides quàm molliter lucrum curauerim,

Quàm turgeat, quàm auro argentoq; splendeat,

Tu cogitato ne quid illi detrahas,

Sed id iuxta mecum obserues et diligas,

Omniq; industria operaq; illi seruias.

Quò fiet, ut te illud uicissim diligit,

Augeat et fortunis magnis et honoribus,

Et publici propediem faciat principem

Consilij, quod mihi contigisse perspicias.

PV. Dabo equidem operam pater. MER. Heus tu, tibi
dico lucrum.

LY. Quid est? MER. Hunc mihi puerū, queso obser-
ues probe, Adhæc

PRIMVS.

Adhæreas, foueas, reddasq; diuitem.

LV C. Si me obseruauerit & coluerit unice,
Si caute adhæserit & me sibi habuerit Deum,
Si uigilauerit & fuerit adiussa impiger,
Opera (ne quid dubites) pro opera pensabitur.

LY. At ego saxo ut hæc disturbentur sædera.

MER. Scio te uelle coli, & merito quidem hercule,
Nam per te solum homines redduntur inclyti.

Quare puer, nullos illius gratia

Labores fuge, feres iucunda præmia.

PV. Præceptorū memorem dices, MER. Cras scis mihi
Ad mercatum esse eundem Francofordiam,
Domum ut illinc decem aureorum millia
Ex societatibus feram. Quare domi

Tu interearem bene geras. LY. Intercludam ego

Hoc iter. PV. Accurabo. MER. Interea ego neminem
Meas in ædes intromitti uolo, nisi

Quis debitorum ad te numeratum uenerit.

LY. Heus heus. Ecquis ianitor hic est? Ecquis aperit?

MER. At at, quis ita fores pulsat centaurice?

LV. Nullus aperiat, nullus quidquam respondeat,
Nam mihi uidetur esse conscientia,

Quæ semper his proterue uim foribus facit.

CON. Audis mi homo, ut lucrum ne intromittar caue?

LY. Bono animo sis. Nisi me fallunt istæ manus,
Istas tibi fores expugnatas dabo.

Hem, nullus audiet? MER. Hic profecti ianuam
Effringet quisquis est. Quin despicias puer

ACTVS

Mox per fenestram, & quid sibi uelit rogas?

PV. Quis est? Quid hic tibi debetur homo pessime
Vt foribus uim facias? LY. Intromitti uolo.

PV. At nobis ocium non est operam dare
Mendicis, nec domus isthæc mendicos amat:

LY. An tu me mendicum arbitrare carnifex?
Nisi aperis assulatim has comminuam fores.

MER. Notum esse oportet, qui sic minuitur malum.
Nomen roga. PV. Hospes, quod est nomen tibi?

LY. Lyochares uocor. ME: Abeat in maximā malam
Crucem. Nemo mihi est istpc notus nomine.

LY. Sed aperi inquā actutū. PV. Multū immodestus es
In conueniendis hominibus. Noli fores

Frangere. Responde primum, quid negocij
Habeas. LY. Est mihi quod Mercatori nunciem.

PV. Adfers pecuniam? Si non adfers abi in
Malam rem. LY. Eam profecto uobis adfero.

Sed ociose tute tecum disputa.
Ego his loquar foribus. PV. Parce foribus obsecro

Hic hercle peruicaciter oppugnat fores.
Quid si ante aperiam quam confringit cardines?

ME. Melius est. Sed tu mihi gladium cedo, & lucrum
Aliquò abstrudas. Nam hic hercle prædatum aduenit

PV. Quid si in clamem ciues ut suppetias ferant?
MER. Nihil opus est tumultu. Ego illū monomachus

Latronem accipiam, ne frustra huc peruenerit.
Tu mox lucrū. PV. Heus huc te lucrū in arcā condito

Ne te uiolentus hic latro inuentum opprimat.

Ab ita

PRIMVS.

Ah tu cohibe uim donec adimo repagula.

Quin cessas paulisper? Quid nunc? Patent fores?

Quid uis? Quid quæris? Quid debetur hic tibi

Nisi malum? LY. Nè mihi obsistas puer, nisi

Mauis cerebrum comminui tibi. Iam sequere tu,

CO. Quid si ante omnia mactemus maledictū lucrū

Quod ad fores est? LY? Vbi? Non est. Videbimus

De illo post. MER. Hei mihi, spasmus neruos cōtrahis?

Iam iam perij planissime. Occidar, quasi

Pullus gallinæceus. Haud iusto tempore

Me nerui destituunt. Sed & hic, ut conspicior,

Inermis est. Bipedum scelestissime, quid est,

Quod contra leges & maiorum iura, uim

Mihi facias, & id meæ domi quidem?

LY. Sic soleo. Adorior hominēs ut animo collibet

Vel ruri uel domi, ubicunq; est occasio.

Nec pareo maiorū quidquam legibus.

MER. Recte latronum more. Sed faxo hercule

Vt cæteris exemplum sis latronibus,

Quum in excelsissimam te sublatum crucem

Conspexerint. Sed curre Puēr, & publicos

Magistratus magistros huc ad me uoca.

Quæ hæc est miseria, ut nullus domi suæ &

In ciuitate libera tutus fiet?

LY. Nihil est opus ministris publicis puēr.

Quare subsiste paulisper, donec scias

Vtrum medicos an carnifices huc aduoces.

Audi Mercator, Mortis adsum nuncius.

MER.

A C T V S

ME. Quid? Vah misero mihi. LY. Mortis adsū nūcius

MER. Heu totus languedo. LY. Mortis adsum nuncius

MER. Tace obsecro, terrores subiti me opprimunt

LY. Tamē adsum mortis nuncius. MER. Heu spiritus

LY. Et iubeo, ut hac relicta uita & opibus, (abit.

Honoribus, amicis, lucris, negocijs,

Bonisque huius uitæ abdicatis omnibus,

Operum, studiorum, uerborumque iudici

Probatam cras reddas rationem. MER. Vah mihi.

Tonitrua & grandinem loqueris. Quid agam miser?

Quo me uortam? Ah licet ne paucis te alloqui?

LY. Quid uis? Loquere. MER. Quæso te maiore in

Ne mihi succenseas quod tibi dixi male. (modum,

Neque te neque tuam cognoui potentiam.

Alio modo notos compellamus, alio

Ignotos, ignotis raro suus datur honos.

Tui candoris est, mala consulere boni.

LY. Nihil moueor maledictis, nec quidquam insolens

Abs te mihi accidit. Vbiq; ferè isthoc modo

Suscipior, rarus iam mihi dextram porrigit.

MER. Quādo igitur nil mihi succenses, porrò obsecro

Supplex, ne in ipsis me uoces negocijs,

Sed in aliquot annos hunc mihi diem proroges.

LY. Non mea res agitur, iudicis sententia

Te urget, quæ nullis mutari precibus potest.

MER. Tamen Ezechiae dati sunt anni quindecim

LY. Ut isthuc memoriter tenes. Sed unius

Scis priuilegia, communem non destruunt

Legem.

PRIMVS.

Legem. Non cuiusuis tantum ualent preces.

MER. Heu cor mihi disilit. Tamen negocia

Quedā mihi uix dum effecta sunt, ad quæ annus aut

Ad minimum menses undecim (nam grauiæ sunt)

Requiri possunt, ut conficiantur probe.

LY. Etiam si mille annos perpetuos uixeris,

Non cuncta tamen confeceris negocia

Nam uno nondum confecto succedit aliud.

Conficient alij quod tu non confeceris.

MER. Heu totus horreo. Ah ah, hæredes nesciunt

Qua cuncta transigenda sunt solertia.

LY. Discent natæ aquis in os fluentibus,

MER. Interimis me tuis dictis. Tantum modo

Sex oro menses concede, ut melius mihi:

Subducatur ratio reddenda iudici, &

Donec raso uertice me fune cinxero,

Bonis permultis exornatus operibus,

LY. Neq; sex neq; quatuor, tametsi spondeas

Catena aut centum te cincturum funibus.

MER. Væh mihi miserrimo, ut es inexorabilis:

Certe exorari quattuordecim dies

Posse reor, donec crediero à Francfordia,

Nam illic haud negligendum est mihi commercium

LY. Mihi committas, ego tuo fungar munere.

MER. Ludis tu nunc quidem. Num tot dies putas?

LY. Ne unū quidē. **MER.** Heu genua labāt, Cor angē

Exanimor totus. **LY.** Animam prende fortiter. (tur.

Nam magnam uim tibi adfero pecuniæ.

MER.

A C T V S

MER. Pecuniæ uim? Redeunt uires denuo.

Si adfers pecuniam, haud exiguam in spem uocas.

Pecuniam ergo cedo. LY. Imò pestem accipe,

Quæ te profecto die consumet crastinò.

Hæc est moneta quam adfero mortalibus.

MER. O spes & opes meæ. Ourgens necessitas.

O fatum ineuitabile. Vah uitæ meæ.

O dolor & gemitus quàm ex improviso mihi

Adestis, quàm cito cuncta abierè gaudia.

Oh oh quàm uror, quàm dolor est cordi proximus

Capite me famuli, & in lectum reponite.

Cogite medicos, & antidota quærite

Ne me fatalis isthæc consumat dies,

LY. Vel centum cogite medicos, nullus tamen

Huius pestis telum poterit auertere.

MER. Eheu lucrum lucrum, quàm me tui obliuio

Cæpit, quàm non lubet tibi posthac dare operam.

LY. Ehem mulier? CON. Quid est? LY. Huius uim cõ

Ferociam repressi, finem audaciæ (tudi.

Imposui, nec iam est quod formides amplius.

CON. Bene actũ, et tibi pro opera hac magnã habeo

Nunc facillime locum meum occupauero. (gratiam.

LY. Nunc age, lucrum, quod tibi molestum prædicas

Fuisse, in omnibus apothecis quærito, in

Arcis, cellis, cameris deniq; & armarijs,

Mibiq; inuentum renuncia. CON. Repertum adest

LY. Hem quàm crassum animal. Hasce actutũ cõpedes

Accipe. Prohibebo ne per omnes angulos,

Terrasq;

P R I M V S.

Terrasq; & maria uolites, nec hominibus in
 Foro ullam post hac exhibeas molestiam.

LV. Fortasse parum uobis uidetur, familias
 Patrem oppressisse, nisi etiam mihi compedes
 Immerito & innocenti iniiciatis. LY. Etiam
 Mutire audes nequam? CON. Eia innocenti tibi.

LY. Præterea & scabie te condono gallica.
 Faxo quoq; (quo dignas des pœnas facinorum) ut
 Tarpiter ab huius distrahere hæredibus,
 Membratimq; lacerere à canibus aut equis,

LV. Magnum dirumq; malum, malis hæredibus
 Dari in potestatem. Sed tolerabo omnia
 Quandoquidem isthuc rerum expetit necessitas.

LY. Hostibus oppressis, pax est conscientia.
 Quare Mercatorem exagites licet ut lubet.
 Officioq; tuo dein fungare pristino.

CON. Sentiet ille quidem, quid sit Conscientiam
 Ledere, neq; meis uelle imperijs obsequi:

LY. Merito hercle. Sed ego abeo ad citatos ceteros.
 Meum postquam hic munus confici strenue.
 Nunquid uis? CON. Ut cito redeas. En tibi gregem
 Medicorū. LY. Horū omnis hic opera frustrabitur.
 Ne timeas. Sed abeo ut reuertar ocius.

C H O R V S.

Quis tantus stupor est cordibus insitus
 Humanis? Quis erit stulticiæ modus

C

Tandem

A C T V S

*Tandem? Quando homines respicient sibi
Vitæ impendere terminum?*

*Quum mors horribili quottidie manū
Quosdam corripiat, nescia parcere
Vlli, non etiam regibus inclutis,
Quantumuis bene rexerint,*

*Aut quantum populis extiterint graues
Armīs siue minis siue libidine,
Vis læti simul hæc dissipat omnia,
Contundens animos truces.*

*Quum mors reiiciat munera diuitum,
Nec uultum timeat multa potentium,
Nec cedat ualidi uiribus Herculis,
Nec magni faciat preces,*

*Sed cunctis pariter tristia concinat
Assistens subito, carmina, cordibus
Vt missis alijs penè negocijs,
Semox iudicio parent,*

*Quid reges agitat, quis furor horrida
Cursim in bella uocat? Propter inania
Gaudent absq; metu commoda sæpius
Riuos ducere sanguinis.*

*Quid quæunt equites, quid pedites sibi, ut
Rapto iusticiæ transsiliant uias,
Audacterq; minis multiplicent mala, &
Id ducant sibi gloriam?*

*Mercator quid agit, dum studet impiger
Comportare lucrum fraude, dolis malis,*

Non

S E C V N D V S.

Non magni faciens artibus ex quibus
Fratrum possideat bona?

Mendaces quid agunt causidici, bonas
Qui causas reprobant atq; probant malas,
Si spes exigui sollicitat lucri
Mentes nil metuentium?

Quid, qui scorta colunt, & quid adulteri,
Quid fures, quid auari, & quid iners cohors
Verbum Euangelij iam exagitantium?
Omines iudicium manet.

Durum heu iudicium iudicis in quibus
Nullus regnat amor, nec metus auocat
A mundi illecebris & grege perdito
Et factis procul impijs.

Mors nobis aderit serius ocyus
Cunctis, quum ratio forte nec integra
Nec constans adeat lumina iudicis.
Fœlix qui excubias agit.

ACTVS SECVNDVS. MEDICI. PVER. MERCATOR.

Quantum quidem ex certis signis cognoscimus
Hic homo diu uiuere non potuerit. Intima
Omnia peruasit pestis. Omnis luditur
Nostra opera, qua ægrotis alijs subuenimus.
Quapropter ne, qui uitæ autores credimur,
Mortis spectatores simus, nostræq; quid

ACTVS

Professioni committatur absonum,
 Abeundum est. Poscamus per internuncium
 Mercedem, moneamusq; ut animæ consulat.
 Quandoquidem nulla uitæ spes est corpori
 Eho dū puer ad nos: PV. Quid me uultis? ME. Audies
 Satis perspicimus frustra hic tempus terere nos,
 Nec morti herum tuum ulla posse arte eripi.
 Res monet ut abeamus, tu nobis postules
 Mercedem, moneasq; ut sibi ipse consulat.
 PV. Faciam, Here, Medici abire uolunt & postulant
 Mercedē. MER. Quid? Abire uolunt & deserere me?
 Deus illis malefaciat. Huc me accedant uolo.
 PV. Domini mei, ut se conueniat herus iubet.
 MED. Aegre fert nos abituros scilicet? PV. Probe
 Diuinastis. MED. More hominum facit. Omnes sibi
 A nobis mortis differri uolunt diem,
 Quasi & hoc herbarum uires efficere queant.
 Irascuntur, si mors nostra arte plus ualet.
 Sed adeamus. MER. Quid Medici? num grauissime
 Me iam egrotante uos abibitis, quasi
 Pro opera uestra non possim mercedem dare?
 MED. Ne tristeris Mercator nec succenseas
 Nobis quidquam. Certa in te deprehendimus
 Mortis signa, nec existimamus crastinum
 Te uicturum diem, sic te totum obtinet
 Pestis, peruasitq; ipsa etiam penetralia.
 Nos circa te omnia quæ potuimus fecimus,
 Nec est quod à nobis quidquam amplius petas.

Quippe

S E C V N D V S.

Quippe nec ars nostra operatur absq; termino.

Et nos artemq; nostram morti deniq;

Concedamus oportet, quæ uincit omnia.

Quare quum nil possimus amplius, haud feras

Iniquo ambitionem nostram animo quæ sumus.

MER. Abibitis ergo? MED. Te hîc grauari nolumus

Frustra. MER. Certum est? MED. Prorsus.

MER. Meq; in morte media

Relinquetis? MED. Nec satotum hîc decennium

Maneamus, te morti eximere quisquam potest.

MER. Ita ne tandē? ME. Vt quidē nos deprchēdimus.

MER. O stolidos æque ac miseros, quàm corpus suum

Curæ uestræ uestrisq; credunt pharmacis.

Non cogam uos manere hîc, sed per me licet

In maximam quàm primum ut abeatis crucem.

MED. Parui tua maledicta facimus omnia,

Vt quæ à male sano sunt profecta pectore.

Numeretur nobis merces ut abeamus. MER. Hoc

Est, mercedem audetis etiam pro mala opera

Poscere. Sed quid agam? Absoluam uos ocysime,

Ne uos gratis hîc sedisse possitis queri.

Sed quantum poscitis? MED. Quinquaginta aureos.

MER. Hui tantillū ne? MED. nō est nimium à diuite.

MER. Non adepol, Sed nimium uestræ est inertie

Et egregiæ uestræ operæ qua morbum mihi

Non depulistis, cæterum auxistis magis.

At heus puer, bis numerâ quinquaginta aureos.

Vt abeant quo digni sunt. PV. En habetis hîc.

A C T V S

MED. Habemus & abimus. Tu Mercator uale.
ME. Næ ego, si quis alius, infœlix homo sum ac miser,
 Cui neq; in medicis, neq; in amicis, neq; in
 Pecunijs uel tantillum situm est opis.
 O mortis incorrupta ullis uiolentia
 Muneribus, quàm tristes rerum das exitus,
 Nec lachrymas nec querelas miserorum aspicias.
 Sero hercle te timere didici. Heu quàm meo
 Iam in arctum (quod dicunt) coguntur copie.
 Diris intus & extra affligor cruciatibus.
 Eho dum puer, Parochum accerse ocyus, ut sacris
 Me prouideat, ut omnes morituri solent,
 Doceatq; modum quo animæ salutem consulam.

SCENA SECUNDA CONSCIENTIA, MERCATOR, SATANAS.

IAm tempus inuitat ut officium agam meum,
 Medici puerq; abiire, sola colloquar
 Cum solo, quo me uel in extremis audiat.

MER. Atqui ingentem congeſſi uim pecuniæ,
 Qua letificabo hæredes, ut magnas mihi
 Post mortem gratias agant. Siquidem aliud
 In mundo nihil egi, habitus sum uir diues &
 Probus, qui dignus eram præferri cæteris.
 Sed unde nobis prodit Conscientia?

CON. Vnde lubitū est. Sed quid ais nūc? Adsum: tamē
 Quantumuis etiam te inuito. Quid ita oculis

Me

S E C V N D V S

Me tragicis obtuere? Quid teris pedem?

MER. *Quia nihil est, qui tibi comminuam synciput.*

Etiam tu in conspectum meum audes progredi

Pessima? Mihiq; in medijs iam doloribus

Quidquam loqui? CON. Quid ni? Nunc est occasio.

Cur me non opprimis? Cur non trudis foras?

MER. *Certe ædepol si quidquam adesset uirium,*

Pertunderem os isthuc tibi impudens probe.

At iam facile illudis relicto ab omnibus,

Causamq; ex uinculis dicenti. Sed rogo

Te maiorem in modum, quandoquidem tu mihi

Ab ineunte ætate fuisti intima, ne meis

Quidquam doloribus addas, neue uindices

Quod quàm tibi lucro semper adhæsi magis,

Teq; meis ex ædibus exturbaui foras,

Ad miseriæ donec sis acta terminos.

Peccaui, uicisti, uictrici do manus,

Abeas quæso modo nec mihi iam molesta sis.

Afflictis non etiam addenda est afflictio.

CON. *Egone ut abeam, officiumq; meum deferam?*

Quin adsum, aderoq; tibi & in ipsis inferis,

Semperq; ad aures tua malesacta tibi occinam.

Donec tibi cor fatiscat præ doloribus,

Redigerisq; & tu ad miseriarum terminos.

Neq; lucrum etiam isthuc neque quisquam immorta-

lium aut

Mortalium prohibebit. An nunquam tibi

In mentem uenit me emersuram deniq;

A C T V S

Quum nullius ius iaceat perpetuò obrutum?

Nunc meus es, nunc uera tibi dicam plurima.

MER. Ea demum summa miseria est, precibus nihil

Miseros posse obtinere. Sed quid ago, inopis

Qui memet animi facio? Patere corculum,

Patiunda quæcunq; imponit necessitas.

Age dum tu, quæ malefacta habes mihi canere?

Quæ uera adfers? Quod est imperium in me tuum?

Quos mihi cælum petenti narras inferos?

CON. Cælum tu? MER. Ita inquam. CON. Si quidem
asinus aut lapis

Poterit uolare. MER. Quare isthuc? CON. Etiam
rogas?

Quia impius & improbus & nihili semper hûc

Vsq; fuisti, Deum contemnens iugiter.

MER. Quid. Impium me & nihili, quem ciues sibi

Publici consilij constituere principem?

CON. Nunquam recte notus fuisti ciuibus.

Neq; mirum isthuc hercule, tot eras tectorijs,

Rerumq; bonarum hypocrisi opertus callide.

Fefellisti ciues & ab ipsis falsus es.

MER. Video hercle ita factum esse ipso sole clarius

Sed quod fuerim impius atq; Deum contempserim,

Mentiris, meq; hîc innocentem prædico.

CON. Eugene innocentem. Si hoc possis defendere,

Nulla est causa, tibi cur dehinc molesta sim.

MER. Negas igitur? CON. Et maxime. MER. Hæc
quo modo?

CON

S E C V N D V S.

CON. Impius est, quia nulla Dei cura tangitur.

Qui non timet uidetur is contemnere.

MER. Quum dederim eleemosynas pauperibus maximas,

Quumq; inter primos adfuerim in ecclesijs,

Et quottidie certas orauerim preces,

Quin & cum omni ipsius altare supellectili

Construxerim, atq; etiam uestes dederim sacras

Nec expense in Missas numerus pecunie

Vulgaris sit, sed sortem excedat pauperum,

Tu me Deum non curasse audes dicere?

CON. Non inficias eo isthæc te fecisse, sed

Coram Deo, aio, nullius esse ponderis.

MER. Cur isthuc? CON. Quid multis opus est ambagibus,

Deum non curat qui præcepta negligit:

Sed neq; curat qui non præcepta perficit.

Non in mentem uenit, quid adhuc puer patri

Matriq; feceris? Quo pacto quindecim

Patri aureos surripueris & negaueris,

Et apud sodales nequam eos decoxeris,

Qui à matre correptus eam uerberaueris,

Adeoq; ambos habueris ludibrio, sed &

Exerta lingua illorum iussa spreueris?

Quoties illis mala imprecatus sis? Et haud

Raro illorum pessime capita deuoueris?

Mortemq; optaueris, & ita semper uixeris,

Vt ipsis omniq; familie esses dedecus?

ACTVS

MER. Equidem uera memoras, neq; negare queo, ita
Me testibus uel mille oppressum sentio.

CON. Quid memorem, quod iam mortuis parentibus,
Fratrem ueneno sustuleris, ne quis tibi
Cohæres esset, et quasi esses innocens,
Extortis fictisq; illum lachrymis fleueris?

MER. Memini hercle etiam isthuc. CON. Nonne re-
cordaris, quibus

In ganeis fueris, et quod meretricibus
Seruieris turpiter, & quod adulter septies
Sis deprehensus, atq; hisce studijs tuam
Nequiter hereditatem dilapidaueris?
Longum esset narrare, quibus postea artibus,
Furtis, mendacijs, periurijs, dolis,
Imposturis, fallacijs, astutijs,

Sortem illam maledictam ex alienis domibus huc
Raptam intuleris, ex eaq; lucrum produxeris.

Scis ne hoc ita esse factum? MER. Tua opera hercule.

CON. Quid, quod neq; deum neq; homines, nō filios,
Non uxorem, non cognatos, non deniq;

Affines aut amicos tanti feceris

Quanti lucrum? Nam illius causa publicus
Hostis eras immortalium & mortalium.

Illud tibi actionum scopus erat unicus,

Illud adorabas, tibiq; summus erat Deus.

Ecquid negare potes horum? MER. Nihil omnium.

CON. Scis etiam isthuc, quo pacto indignabar tibi,

Quam acceptos ab amico ducentos aureos

S E C V N D V S.

Te accepisse negabas & iurabas scelus?

MER. Vah mihi quā uera narras. Quā me perditū

Aspicio. **CO.** Ex Xenodochio, cuius cura tibi erat

Commissa, in singulas hebdomadas quindecim

Rapuiſti drachmas, ne domi ſumptum ex tuo

Faceres, neue lucro quid decideretur. Et

In hunc modum familiam cunctam annos decem

Huc uſq; ſuſtentaſti, nec quis ciuium

Abs tē haecenus auſus eſt rationem poſcere,

Nec tu ſponte tua unquam curaſti reddere.

MER. Heu, quam me maleſactis grauas & deprimis.

CON. Si quoties peccaſti in deum atq; proximum

Recitare uelim, non hic ſuffecerit dies.

In ſumma autem, terrae fuiſti pondus, &

Plumbea quae iam inferis debetur ſarcina,

Quibus ex factis audes ſperare gratiam?

Quo Pegaſo ſuperos adibis perditus?

Qua ſpe, qua fronte impius aſpicias iudicem?

Qua deniq; aeternos ignes fiducia

Effugere poteris? An non in mentem tibi

Venit, quā grauis ultor ſit iniquorum Deus?

Quantus ſit aemulator legis traditae?

Quā non ſuis parcat nec paſſerit hoſtibus?

MER. Vah mihi perpetuo ut me trudiſ in anguſtiam.

Diſcede à me obſecro, nec mihi quidquam occinas.

Spinas, tribulos & uerba loqueris ſaxea. **CO.** Haud

Diſcedo, ſed oſtendam tibi qualis uir ſies.

Sed recte Satanam uideo accedere, hic tibi

A C T V S

Non facta solum sed uerba quoq; singula .

Ex codice ostendet, te ut planè perditum

Agnoscas. MER. Hei mihi. Vbi est? CON. Eccum
quàm proxime.

MER. Ah quò nunc fugiam miser? CON. Ad sortem
cenſeo.

Cur non etiam lucrum inuocas? SAT. Cætera quidem
Recte omnia habent. Doctores omnes sentiunt

Quæ maxime uolo, ut discipulorum mihi

Ex retibus cadat nullus. Nunc uiſo, quid .

Mercator agat rerum, an se quoq; iam accinxerit

Vt unà cum alijs cras prandeat apud inferos:

CO. Audis quid loquitur? Cras prandeat apud inferos

Mer. Vah mihi, Quis ex huius me eripiet unguibus.

CON. Lucrum, lucrum inuoca, cultus ut sit memor.

MER. Nihil facilius quam subsannare miseros,

SAT. Quid agitur? Ecquid uos accingitis ad iter?

CON. Curatur sedulo, Hunc ego totum tibi

Dedo. Nam imperij scita tui secutus est,

SAT. Scio. Co lex hic omnem operam testabitur.

MER. Deus te perdat Satana, quid mecum tibi

Rei est? Quid hic quæris? Cur non quo dignus es

Abis? SAT. Diu iam mihi tecum est commercium:

Te quero. Quin & tu mecum quo dignus es

Abis? MER. Tecum pessime? SAT. Ad Acherontem
inquam ueni.

Vbi magna tuorum turba sedet sodalium,

Turpi lucri cupidorum, furum, rapacium:

Nec

S E C V N D V S.

Nec non diuersis deditorum sceleribus.

MER. Vbi me locorum hominem nouisti eiusmodi?

SA. Vbi quæris? Inspice hunc & pellege codicem.

Repperies quid, ubi, quoties, quando, quomodo,

Qua, per quos, cur, quibuscum, quibus, & omnia.

MER. Hei misero mihi, quam accurate scripta omnia!

Quantus numerus, quantaq; rerum est indignitas:

CON. Iam nunc inficiator uel minimum si potes.

Equidem & ego sum singulorum conscia.

SAT. Nonne intelligis ex his te fore acheronticum?

MER. O si mihi terra dehiscat, & colles meum ab

Irati iudicis aspectu operirent caput.

Heu iam inferos iam æternos ignes sentio:

SAT. Pulchre dicis. Nos interea saltabimus,

MER. Nemo esse potest iratior cui sit Deus,

Nec in quem fortius sua tela torqueat

Quàm in me. Videntur uniuersæ in me unicunt

Conspirasse creaturæ, ut nusquam sit salus,

Nusquam persugium, nusquam & auxilium mihi:

Superne uenit ira atq; indignatio,

Interne insandos cor gemitus excreat,

Inferne, pœnæ anthunciantur horridæ.

Neq; id immerito. Quis enim me pœior? Quis deum

Audacius contempsit? Aut quis hominibus

In omni iniuriarum genere unquam fuit

Grauior? Oh oh oh quàm male & quàm perditæ

Et uitam omnemq; collocaui industriam.

SA. Vere quidem, sed frustra narras omnia;

A C T V S

Cras mecum ibis, non est quod speres gratiam.

MER. Animaduerto prorsus nullam pestē ita grauem

Nullum esse tormentum tam formidabile,

Quam est uel leuissima peccatorum sarcina.

O si ueniat parochus, qui aut istam sarcinam

Auferat, aut os obturet conscientiae,

Aut execrando Satanae rumpat codicem,

Cuius me ad mortem adigit & commemoratio.

CON. Mihi quisquam obturet os? Aut huius codicem

Dilacerare queat? MER. Meliora ego quam dicitis

Huc usq; spero, quamuis cor grauissime

Per uestras semper affligatur uenias.

SA. Nihil moramur spem, modo desperatio

Claudat uitam. MER. Nondum pessime. Sed ecce iam

Huc pastor aduenit, à quo consilium petam,

Quò pacto uestras effugere possim manus.

Atq; heu uos à me pellat (si quidem mihi

Omnino est moriendum) ne me terroribus

Perpetuae mortis desperatum ad tartara

Rapiatis. SA. Rectam instas uiam. Nam te quidem

Frustra quiduis sperantem rapiam ad tartara.

Nec huius pastoris consilium, qui suis

Ter stultior est ouibus, cassa nuce pendimus:

Sed cymbalum tinnit, fortasse aliquid sacri

Secum adfert, ut asinus portans mysteria.

Sed heus, tu propè lectum hic consiste, in angulum

Ego interim concedam hunc, & uenientibus

Perstringam oculos, ne nos uidere possent.

SCENA

SECVNDVS.

SCENA TERTIA.

PAROCHVS. PVER.

Mira profecto narras. PV. Tamen uerissima
PA. Venisse quendam qui se mortis diceret
Nuncium? PV. Ita inquam. PA. Pestemq; he-
ro attulerit tuo?

PV. Res ipsa docet. PA. Et secum conscientiam
Introduxerit, atq; male lucrum multauerit?
Luctuq; graui totas ades impleuerit?

PV. Nil uerius offendes. PA. Medicisq; iratum herum,
PV. Nunquam cuiquam iratiorem. Sed fores
Patent. Ingredere. Iam pridem expectat scio.

SCENA QVARTA.

PAROCHVS, MERCATOR.

CONSCIENTIA, SATANAS.

Salue Mercator. MER. Det tibi Deus quæ uelis.
PA. Audio te male ualere. MER. Haud ex senten-
tia.

PA. Credo hercle isthuc. Sed quid morbi est? MER.
Pestem uocant.

PA. Deus illam perdat. MER. Imò me illa funditus.

PA. Dirum telum necessitatem prædicant.

MER. Sic est. Sed scire hoc paruula consolatio est.

PA. Egredimini uos cæteri, ut sine arbitris
Peccatorum excipi possit confessio.

MER.

A C T V S

MER. Desperarunt medici me posse uiuere,
 Quod & per se mihi accidit grauissimum,
 Tum quod relinquenda sunt quæ habeo charissima,
 Tum quod & alioqui mundi huius compaginem
 Solisq; iubar aspicere omnes homines amant.
 PA. Verum dicis. MER. Aliud tamen huic grauissimo
 Grauius accedit. PA. Quid grauius esse queat haud
 Video. MB. Tu hercule nihil uides si hoc non uides
 PA. Quid nam? ME. peccatorum grauior est sarcina.
 PA. Nequaquam. Siquidem ego incedo leuissime,
 Quum etiam in peccatorum uolutabro hæream.
 MER. Fortasse nulla te agitat conscientia?
 Neq; tuorum scelerum conspexisti codicem?
 PA. Quam conscientiam, quemue mihi codicem
 Narras? MER. Rogas? PA. Puer mihi narrauit tuus
 Ad te quidem introductam conscientiam,
 Sed ignoro qualis sit illa bestia.
 Peccatorum ego nunquam conscripsi codicem,
 Ita ne perdiligenter scripsisti tua?
 MER. Hei misero mihi. Væ capiti tuo & inertie.
 PA. Maledicis mihi pastori? ME. Da ueniam rogo.
 Solent languentes esse morosi. PA. Sentio.
 MER. Res est, ut dixi. Accessit morbo corporis,
 Grauior infirmitas animi & angustia.
 Simul ac me scelerum admonuit conscientia.
 Eam tamen si cupiam nequeo uincere
 Ut aut taceat aut abeat, nec molestia
 Quidquam addat corporis grauib; doloribus.

S E C V N D V S.

Sed illa lecta adherens nunquam desinit

Et scelera obijcere & iram canere iudicis:

PA. Vbi est illa locorū? MER. Hic in spōda. Nō uides?

PA. Non adepol. ME. Nihil te hercle uidere arbitror

Qui tam manifestam non uideas. PA. Quæ non adest,

Qui uideam: ME. Bonè deus, adest. Vtinam uero sit

Quod prædicas, non adsit, nec me exterrèat.

Absterge oculos. PA. Nihil est uicij. Abstergam tamen

MER. Vides? Huc aspice. PA. Nondum. MER. Age

age iterum atq; iterum

Absterge. PA. Non uideo etiam si nullies

Abstergam. MER. Mira hercle est tua cæcitas. Vide an

Ophthalmia aut labores lippitudinē:

PA. Quàm tu (malum) mihi narras lippitudinem?

Nihil est uicij. Sed tu nunc me ludos facis.

ME. Non facio neq; decet, neq; ita accipias rogo.

Sed amabo te, dic ueritatem, non uides?

PA. Non hercle quenquam nisi te. Conscientiam

Quam ais, non uideo neq; uidere adeo uolo.

MER. Esto, Faxit Deus ut ista à te cæcitas

In tempore auferatur, nè simili modo

Eam mecum in supremis tandem sentiat.

Certè equidem ego te huc aduersus Conscientiam

Accersiui aduocatum, ut quidquid hæc mihi

Criminis obijceret, consilio & prudentia id

Tua dilueretur, & internus premeretur dolor:

PA. Facile id quidem potest fieri, obijciat modo. (dest.

ME. Sed tu hæc nō cernis. PA. Quid facias? Si uere a-

A C T V S

Verba faciat, tum facile illi os compresserō.

CON. Scilicet. MER. Audis nunc illam? PA. Audio.

Papæ. Quid est

Præstigiatrix, quòd ades & te non conspicio.

CON. Tu alienā uideas, qui tuam ipsius haud uides?

PA. Quid tu Mercatori huic uiro integerrimo

Molesta es? Cur illum trudis in angustiam?

CON. Quia lubet. PA. Cur non discedis? Cur nō taces?

CON. Quia non lubet. PA. Aedepol te ego mulierem
malam

Arbitror. CON. At ego te nil mentis habere arbitror

MER. Audis profecto quàm procax sit & impudens.

PA. Non mirum hercule si hæc tibi negocium exhibet.

Sed bono animo es. Discedet à te mea opera,

MER. Vtinam hoc fieri possit. PA. Confide tu modò

Et audiens sis dicto. MER. Quid uis præcipe,

In me quidem nulla erit ad parendum mora.

PA. Primum tuam mihi confitere crimina.

Vt absolutus provideare dein sacris

Tum certe nihil habebit conscientia

Quod obijciat. MER. Optimum erit. Et parebitur.

Aures arrige. CO. Fortasse hūc tu asinū esse autumas?

PA. Cōpescce linguā mulier. MER. Per sacra te omnia

Obtestor, paulisper taceas, in aurem huic

Donec pauxilla quædam denarrauero.

PA. Audacter narra ἄγχι σχωρ κεφαλῆς MER.

Domine mi

Colende, Confiteor tibi me esse maximè

Peccatorem

SECVNDVS.

Peccatorem & transgressorem legis Dei.
 Verbis, factis & cogitationibus,
 Non credidisse, quod quantumq; debui.
 Et impium absq; metu operatum esse scelera.
 Furem, raptorem, scortatorem, adulterum,
 Homicidam, quadruplatorem, ueneficum,
 Mendacem, perfidum, sacrilegum, matris &
 Patris contemptorem, periurum, publici
 Fraudatorem, decoctoremq; proprii,
 Et ut summatim dicam, scelerum antisitem
 Me confiteor fuisse, quorum me pudet
 Iam & poenitet. Et propterea in animi angustijs
 Versor iugiter. His semper conscientia
 Me excruciat, & Satanas ad inferos trahit.
 Nec aliter cor peccata prægrauant meum
 Quàm si impositum feram Taurum cum Caucasot
 Quare si quid potes consilio subueni,
 Solue à peccatis, aufer iudicis metum,
 Compesce Conscientiam, Satanam abige.
 SA. Pappax. PA. En præ metu uenter tibi murrat.
 MER. Non ô bone, sed est aliud uicinum malum.
 PA. Haud ab re. Nam es peccator hercle maximus,
 Nec ullum mortalem tot tantaq; crimina
 Designasse audiui. Quia tamen postulas
 Solutionem, & inferorum Principem
 Metuis, mea eris (tantum crede) solutus opera.
 SA. Pappax. PA. Tu podici imperare non potes.
 ME. Possum hercle, sed alius est qui nos ludibrio habet

A C T V S

PA. Alius fortasse quia te inuito murmurat.

Sed responde. Ecquid etiam habes operis boni?

MER. Recte mihi in memoriam redigis bona opera.

Quæ dudum peccatorum præformidine

Euanuerant omnia. Sunt equidem plurima.

PA. Quenâ? ME. Eleemosynæ pauperibus datæ, præ-

Afflictiones corporis, ieiunia, (ces,

Templorum, concionumq; frequentatio,

PA. Ist hæc tene. Hinc siquidē cōficiuntur merita. quid

Deinde? Ecquid bene fecisti unquam ecclesijs?

MER. Feci, altaria construxi, ornatum tradidi,

Binos donaui calices, candelis meis

Totum quotannis templum pellucet quater:

PA. Euge, his licebit factis cœlum scandere.

CON. Scilicet. PA. Hem quid? Nō credis? MER. Quid
ni credam ego?

PA. Putabam te non credere tuo scilicet.

Ecquos habes patronos ex cœlestibus?

MER. Franciscum, quod & ille olim Mercator fuit:

Et Bartholomæum, eo quod unus diuitum.

CON. Cur non & Iudam, qui unus fuit ex furibus?

PA. Noli tu quidquam auscultare huic ueneficæ.

Bellos patronos obtines. Illis tuam

Audacter causam, teq; totum dedito

Nunquam ne iuisti quoquam peregrinatum? Et hoc

Ad peccatorum ueniam permittunt ualeat,

MER. Nunquā quoquam hercle religionis gratia, at

Sæpe ad mercatum, & si diutius mihi

SECVNDVS.

In uiuis esse liceret, non illud etiam

Neglectum pietatis opus pratermitterem;

PA. Spondes igitur si conualueris denuo?

MER. Spondeo. PA. Quid autem morti si concesseris

MER. Tum scis me non posse: PA. Imò maxime potes

MER. Quo pacto: PA. Conduc qui tua pecunia

Eant, quod tibi coràm Deo imputabitur,

Perinde quasi tutumet omnia perfeceris,

CON. Quasi. ME. Hoc negare uidetur conscientia.

PA. Pergis huic auscultare quidquam pessimæ?

Mihi crede, mihi tua erit commissa anima, modo

Sufficientem ad res hasce des pecuniam.

MER. Num tantisper mihi erit manendum in inferis

Donec, si quam mandaro. peregrinatio

Sit absoluta? PA. Iudicij diem pete

Aliquantisper differri ut absolui queat.

MER. At quid, si noluerit Iudex annuere? Nam &

Edicto sum iussus adesse peremptorio:

PA. Nihil erit, crede duntaxat, periculi.

Ego animam pro te ausim meam dare pignori.

SA. Papapappax. PA. Audes dictis his oppedere

ME. Non hercle ego, sed Satan as iam oppedit tertium

PA. More omnium facis, qui si quid haud probe

Cecidit, non semet sed Satanam accusant. Volo

Scire, an uerbis meis quidquam fidei habeas?

ME. Cur non quaeso, quum te huc ad me uocauerim?

Dic quas nam peregrinationes approbas?

PA. Hierosolymis, Romæ & Compostelle omnium

A C T V S

Magnorum quamuis criminum est remissio.

MER. Ain tu? PA. Nihil habeas hoc certo certius

MER. O me miserum, qui per tot terras mariaq;

Volitavi, nec ea unquam loca adire contigit,

Peccatorum in quibus est condita remissio.

PA. Non te adflictes propterea. Da pecuniam,

Ego conducam qui illuc tuo eant nomine.

MER. Si quidem ita uis. Sed quanta opus est pecunia

PA. Romam quinquaginta, Compostellam data

Ducentos, Hierosolymam quingentos aureos.

MER. Dabo tantummodo certa sit remissio.

PA. Certissimane dubites. Deinde ecquas tibi

Vnquam numis redemisti indulgentias?

MER. Illarum mihi plenum est marsupium litteris.

PA. Proferto. ME. Ecce. PA. Oh, satis iã cõtra demo-

Munitus es. Non est quod metuas inferis. (nes.

MER. Putasne? PA. Prorsus. Iã ex prædictis omnibus

Satis efficax tibi temperabo poculũ,

Teq; absoluam. MER. Bene. PA. Dilatato gutture

Totum hoc exorbeto. Quæ fecisti omnia.

Bona opera, aut quæ alius pro te aliquis facturum est,

Et peregrinationes & ieiunia,

Preces, eleemosynæ, calices, altaria,

Vestes sacrae, templorumq; frequentatio,

Candelarum multarum procuratio,

Orationes patronorum atq; merita,

Diplomata pontificis & indulgentiæ,

Mala quæ perpeßus es, & posthac passurus es,

In criminum tuorum cedant omnium

Remissionem. His te absolutum credito.

MER. Facile credidero, si non conscientia

Contradixerit. PA. Hem si sapis, haud morabero

Huius tu contradictionem. MER. Volo quidem

Facere ita ut dicis, sed quo pacto nescio

Vsq; adeo meum animum istius dicta feriunt.

PA. Non hinc faceßis tandem Conscientia?

CON. Nondum bone uir. PA. Quid ita? Hic ta-
men absolutus est.

CON. Ita, ut splendet qui lotus est carbonibus.

PA. Ego te mulier aliqua credo infectam hæresi,

Quæ clauibus audes Papæ contradicere.

Nunquid habes aliquid huic obijcere criminis?

CON. Eadem quæ prius habeo omnia. PA.

Quid igitur ais?

CON. Aio hunc æterno obnoxium esse incendio,

Neq; bona ulla spe posse adire iudicem.

ME. Audis nunc, ut cœli ex supremo uertice,

Me ad inferos retrorsum præcipitem trahat?

PA. Non cures. Respice in bona duntaxat opera

Atq; patronis salutem commendes tuam.

Si me audis, non tanti huius facies uerbula.

ME. Si possim. Cerberi latratus mauelim

Quàm uerba istius audiri aduersantia.

PA. Nimis formidolosus es. Ecquid meliuscule

Cor habet ex potione? ME. Nil quod sentiam.

Venter quidem mirum in modum turget, quasi

A C T V S

Quiddam biberim uenenis peius Colchicis,

Bonorum opinor esse operum fiduciam,

CON: Ea tu iam recta perges ad tartara,

PA: Imò ad cœlum nugatrix. Nunc intelligo

Te hæreseos infectam lepra, quum reijcis

Simul & opera bona & operum fiduciam,

CON: Ex nullis factis peccatorum huic prouenit

Remissio, quum in iussis reus sit omnibus,

PA: Age age clarius ostende, quàm hæretica sies.

CON: Dedit ex furto quæ dedit, orauit impie, &

Fuit impietas cunctorum operum semper comes,

Fallit igitur omnis horum operum fiducia,

Et altius perpetuis uritur ignibus.

Quapropter & hic ibit ad acherontis terminos.

ME. Vah mihi, ut hæc semper Acherontem atq; tar-
tara

Occidit. Age quæso Pæroche, & hanc melioribus

Aut dictis aut factis abige quantum potes,

PA. Vah, quod ego hanc sceleratam non cerno, ut hoc
libro

Dentibus illi excussis, exemplum cæteris

Darem, ne doctrinæ obstreperent Papiſticæ.

CO: Libris pugna, quandoquidem uerbis non potes:

PA: Cæue etiam atq; etiam Mercator, ut aliquid huic

Credas, Hæretica est, ne & tu in hæresim incidas

Experiar certe an illi os isthuc impudens

Queat obstrui. Dic ueritatem, & audiens

Sis dicto. Post mortem quid uis fieri tibi?

S E C V N D V S.

ME. Sepeliri. PA. Non isthuc rogo. Sed nunquas deinde
Missas, psalteria, uigilias, & funebres
Pompas in testamento caueris tibi?

ME. Non: neq; enim huc usq; testamentum condidi.
Condam autem consilio adiutus tuo. PA. Probe.

Placet igitur (quo quiescat Conscientia)

Vt ita condas. ME. Ausculto. PA. Primum ecclesie
Sacerdotale & opimum munus tradito, ut

Per illud perpetuo hic tua uiuat memoria,

Cui illud obtigerit, in missis omnibus

Pro te sacrificabit & exorabit Deum;

Deinde, omnes monachorum & cerdonum ordines,

Rectores ludorum, & caterua clerica,

Te ad bustum cernui comitentur, lugubre

Quid occinentes, quo & manes flecti queant,

Illis fac drachma dispensetur singulis.

Præterea, sub sacro quod pro te agetur, in

Egenos singulos fac argenti uncia

Distribuatur, & ulnæ quadraginta boni

Panni in feretro spem & nuditatem pauperum

Leuent. Sacrificanti mihi pro te, quindecim

Ad altare offerantur aurei probi,

Sin ilia septimo die & tricesimo

Fiant. Interea per monasteria quoq;

Tuæ salutis habeatur ratio. Neq;

Psalteria centum, aut Missas bis totidem putes

Nimium esse. Non hic parcendum est pecunie,

Vbi pretiosæ animæ conquiritur salus.

ACTVS

His factis, crede mihi, uel Iudas uel Nero

Vel alius quispiam nebulo turpissimus

Ex inferis supremum coeli uerticem

Peteret. MER. Sed plurimis opus est pecunijs,

Quas heredes ægre sibi decidi ferent.

PA. Nulla tibi sit hæredum cura, Tuas res age.

Quas, dixi, res in testamentum condito

Quod nullus rite factum audebit carpere.

MER. Quare salutem consequuntur pauperes,

Quorum tota supellex uix aureis decem

Diuendi possit, neq; tamen interim minus

Peccant, sed in flagicijs hærent maximis?

PA. Non hercle ausim illorum tibi promittere

Salutem. Nam quum debeant quam plurimum

Nec sint soluendo, traduntur tortoribus,

Donec nouissimum quadrantem soluerint.

Omni autem habenti dabitur, quod ita intellige

Vita æterna dabitur habenti pecuniam.

Quare et salus tibi tua est certissima.

SA. Pappax. PA. Tuis uisceribus malefaciat Deus,

Ex quibus ita clara promissis toties tonitrua.

Ita ne honestas meam & operam & præsentiam?

Si sic pergis abiero. MER. Rogo te plurimum

Paroche, ne quidquam horum mihi imputes, neq;

Abeas. Certissime enim Satanæ tonat haud ego.

PA. Fortasse illum intra uiscera conclusum geris?

ME. Bonæ uerba. Imò istic sedet in angulo uidens?

PA. Aufer istas nugas, sinuul et hosce crepitus,

S E C V N D V S.

Nisi in medijs relinqui uis doloribus.

MER. Vtinam Satanae queam imperare, ne crepet
Sed in barathrum abeat suo cum podice.

PA. Deliras hercle, qui ipse maledicas tibi.

*Quare æquo animo tuam hanc feram impudentiam
Sed iam redi ad te, & audi si uis reliqua,*

ME. Hic sum, loquere. **PA.** Salus tua est certissima
Propter magnam numorum multitudinem.

Si quidem eos, ut iam dixi, dispensaueris.

*Quantum etiam pro salute dederis, optime
Datum est, nec te eius capiet poenitentia,*

MER. Non poterit hercle, si quidem certa est salus
Sed uereor non nihil, ne delicta nequeant

*Pecunijs redimi, apud illum maxime,
Bonis qui nullis nec pecunijs eget,*

PA. Possunt, crede mihi. **CON.** Præsertim te iudice,
Sed non apud Deum. **ME.** Audis, hæc ut perneget?

PA. Si quid huic pergis credere, te ad insaniam
Cito rediget. Ecquid aliud habes, quo soluere

Tanta queas debita? **MER.** Nihil. **PA.** Ecce. Quo-
modo

*Igitur sperare potes, ne sis in carcerem
Trudendus, atq; tradendus tortoribus?*

MER. Nullo modo. **PA.** Ecce. Ecquam nosti ad cælum
uiam?

MER. Nullam. **PA.** Ecce. **MER.** Sed huius te accersiu
gratia, ut

Ostenderes quæ ignoro. **PA.** Recte: Sed mihi

A C T V S

Docenti & ostendenti non uis credere,

Quum hoc tamen omnes discentes facere oporteat.

ME. Credam profecto, si quidem hanc deuiceris,

Et cor latum reddideris ex angustia:

PA. Fiet. Sed & interim mihi credi uolo.

Condito testamentum ita ut dixi. Vis condere?

ME. Volo. PA. Iam ego ex Missis & psalterijs, & ex

Cunctis bonis operibus quæ prædicta sunt,

Cordi salubria conficiam catapotia,

Vt melius habeas, nec te Conscientia

Diuexet miserum. ME. Propera igitur quantum potes

Nam ex potione nihil sentio leuaminis.

PA. Confide. Singulatim quodq; glutias,

Comprime nunc os & acetum naribus admoue.

Ne nauseas. Isthuc magnopere proderit.

Ecquid tandem sentis? ME. Me planè perditum.

PA. Quid, Perditum? Nil operantur catapotia?

MER. Multum ædepol. PA. Euge, sciebam isthuc an-

tea.

ME. Nam pristinis malis adiungunt noua. PA. Hema

noua?

ME. Ita inquam. PA. Non dilatatur tibi corculum?

ME. Non. Sed uenter mirum in modum protenditur,

Quasi morbo intercute laborem. PA. Non est malum

hoc,

MER. Non. Si quidem perire bonum est. PA. Quid

hominis es?

Si appensus fueris in statera, te duplo

Hinc

SECVNDVS.

Hinc scito fore grauiorem. CON. Vt eo facilius &
Ocyus ad inferorum centrum permees,

PA. Quid gannis propudium. Imò ut operibus bonis
Peccata uincat, & recta in cœlum uolet.

CON. Quo nam modo ita uolabit uentriosus, &
Graui depressus peccatorum pondere?

PA. At à peccatis est solutus mea opera,

CON. At tua opera immersus peccatis est nouis.

ME. Heu me miserum, quàm me istius dicta perimant

PA. Deus te perdat conscientia, quæ mihi

Inauditum prius exhibes negocium,

ME. Arte tua (ut uideo) istanc opprimere non potes

Quantumuis animarum te medicum prædices.

PA. Video quid sit, Mouendus est omnis lapis,

Et ad sacram tandem confugiendum anchoram.

MER. Sacra & prophana queso profer omnia,

Tantum ut quiescat hæc, & cor angustijs

Soluatur. Accipies quidquid poposceris,

PA. Ne diffidas. Sed te iam ad sacra præpares.

Corpus domini Iesu Christi, custodiat

Te in uitam æternam. Iam nunc Conscientia

Si quid potest, obijciat. ME. Ne extimules rogo:

CO. Cur non huic Paroche porrigis & sanguinem?

Cur quæ coniunxit Christus, tu discerpere

Audes? Cur non huic sacrum das integrum.

Quid hic ita male de te meritis, ut reum

Faceres, atq; etiam sacrilegio inuolueres?

PA. Quid tibi (malum) mulier isthæc curatio est?

Prisco

A C T V S

Priscorum patrum sanxit hoc autoritas,
 Ut populo detur corpus absq; sanguine,
 Ne sanguinem male cauta plebs effunderet.
 Et istuc factum tu sacrilegium uocas?

CON. Sacrilegos patres qui sanxerunt, nec minus
 Qui factum hoc peruicaciter defensitant,
 Sanctis plus una Christi ualet autoritas,
 Quàm si sexcenti patres afferrent suam.

ME. Nonne loquacem dixi tibi esse hanc plus satis
 Etiam si nullus extimules. PA. Nonne & tibi
 Dixi, hanc esse hæreticam, ut caueres sedulo
 Ne te seduceret. Si soli crederes
 Mihi, iam pridem emerisisses ex angustijs.

ME. Soli credam, si solus uera dixeris.
 Nam ueritate opus est in iudicio mihi,
 In quo aut uincere continget aut succumbere.

PA. Quasi non semper tibi dixerim uerissimam.
 Non est meum mentiri aut fallere quempiam.
 Qualem si me non censes, quid tempus tero?

ME. Ego uero talem te esse reor, nisi quod nihil
 Propter tuam melius habeo præsentiam,
 Aut uim occultas tuam, aut me Conscientiæ
 Satanæq; prodis, de te sperantem secus.

PA. Quid ais? Non occulto quidquam, nec prodo te
 Omnes salutis tibi commonstrauimus uias,
 Quas quidem & ipse irem atq; meo ostenderem patri

CON. Fortassis & tuum seducturus patrem?
 Cæcus cæcis haud rectas ostendit uias.

S E C V N D V S.

PA. An tu me cæcum existimas uenefica?

CON. Tyrestia cæciorem. PA. Væ capiti tuo.

CON. Tuò inquam, cuius hîc frustratur opera.

Nec mirum hercule, sic agis omnia præpostere.

Ad uincendum uocatus es, sed uinceris,

Ad soluendum, sed magis atq; magis colligas.

Ad monstrandam ad cœlum uiam, sed hæc tua

Monstratio directe deducit ad inferos.

Quare etiam hic tua opera obijcietur Cerbero.

ME. Audis te nil proficere, nec me liberum

Esse à peccatis, sed fore escam Cerberi?

Heu quàm patentes Orci fauces conspicio.

Quàm abiectum esse à Deo. Quàm me iræ iudicis

Obnoxium. Te parоче rogo, oro & obsecro,

Si nil uales aduersus Conscientiam,

Nemè perpetuo agat reum, saltem mihi

Peccatorum auferas pondus grauissimum,

Vt respirare queam. PA. Abstuli equidem & aufero

CON. Vt

Qui plumbum imponit capiti. ME. Ne micam quidem

A pondere ablatam sentio. PA. Culpa est tua

Non mea. ME. Quo pacto? PA. Cur tu hereticæ huic

magis

Credis quàm mihi? ME. Quia ueriora dicere

Videtur. PA. Quî sic? ME. Dicit, quæ ipsa res pro-

bat,

Reum damnatumq; asserit, ita sentio,

Tu dicis quæ nec sunt nec fieri queunt,

Reclamatq;

A C T V S

Reclamatq; tuis dictis internus dolor.

Quin etiam ex potione tua & catapotijs,
Monstrosus uentris tantum succreuit tumor,
Superciliaq; (frustra uereor) se erigunt.

PA. Vnum restat sacrum, quo accepto non reor
Te peccatis ultra pressum iri. ME. quid sacri est

PA. Extrema à patribus nominatur unctio
Qua sancto infirmi unguntur oleo in criminum
Remissionem. ME. Scio iam quale sit sacrum.

Sed eo nihil mihi est opus. PA. Hem quid audio?
Spernis sacrum hoc? ME. Non equidem sperno, sed
mihi

Iam nullus huius usus est. PA. Quamobrem ais?

MER. Ad iudicium uocatus sum, uir optime,
Non in palestram, quare causidicus mihi
Potius quam aliptes conquirendus est. PA. Parum
Abest, quin de hæresi mihi suspectus sies.

ME. Ut res est loquor. Animæ certamen imminet
Non corporis, quamobrem inungi nil moror

PA. Caue sis, ut malis te opinionibus
Commacules, quum & alioqui res tua uermibus
Scateat. ME. Istiuc meis iam rogo doloribus

Dones. Verbo si quid consolatorio
Scripturisue pòtes, profer, audiam lubens,
Dolor ut uel leniatur, si tolli nequit.

PA. Dicenda quæ sunt, omnia iam dixi tibi.
Nec mirari satis possum, quæ causa sit
Cur circa te usq; adeo nihil profecerim.

Consului

S E C V N D V S.

Consului (crede mihi) permultis hactenus,
Nec est inuentus dicta qui reselleret.

Nec qui quereretur se per me instructum male,
Nescio quid de te suspicer. Num criminis
Quid oblitus es fateri? Fac reminiscere.

Siquidem haud iuuat nisi integra sit confessio,
Vah, iam recordor, Peccatorum capita tu
Duntaxat narraſti ſine circumſtantijs.

Scis ita factum? MER. Scio. PA. Quin tu ergo denuo
Adhibitis confiteris circumſtantijs?

MER. Non poſſum hercle meminiffe circumſtantias,
Quoties, aut ubi, quibus cum, quando, quomodo,
Cetræue quæ uos curioſi quæritis.

PA. Cura eſt non poenitenda, ſine qua criminum
Plena haud poteſt remiſſio contingere.

Quare haud eſt mirum, ſi non abſolutus es,
Nec cordis excludi potuit anguſtia,

MER. Iſthuc ergo in cauſſa eſt? PA. Omnino. MER.

Quid igitur

Faciam? PA. Vt dixi, faterè circumſtantias.

ME. Quid ſi nō poſſum? PA. Nō etiam abſolui poteſ.

ME. Diſperij oppido, quādoquidē ad impoſſibile me
Salus redigitur. PA. Non animum deſpondeas,

Recordare. MER. Ah quid agam. Memoria minuitur.
Tempus proximat ad præſtitutum terminum.

Hem, quid ſi quas requiris circumſtantias

In ſcriptis uideas? PA. Idem erit, ac ſi memoriter

Mihi ſint recitatae. MER. Rurſus in ſpem uenio

Age ergo à Satana postulato codicem,
Illinc amplius erue si quid desideras.

PA. Quem tu Satana, quem uic mihi narras codicem?

ME. Rogas? Non tu uides Satanam hic in angulo?

PA. Nunc tu quidem nugas garris aut somnias,

MER. Mon somnio, nec cum nugis mihi negociū est

Sed certe Satanas illic sedet, & codicem

Erratorum meorum gestans omnium,

Et expectans animam ut deferat ad inferos.

PA. Deliras me hercle Mercator, & inanibus

Agitaris spectris. MER. Vtinam sint inania

Que uideo. Sed quæso te, num tu non uides.

PA. Nisi te profecto neminem. MER. Nec, hactenus

Que toties est locuta Conscientiam

Vides? PA. Non. MER. Audiuisti certe. PA. Etiam.

ME. Haud secus.

Et Satanas, quem non perspicis, adest, & etiam

illum audiuisti. PA. Audiui? Quid locutus est?

ME. Nihil ille uerborum, sed oppedit quater.

Propter quod factum me increpabas. Vnde iam

Intelligo te Satanam non uidisse. Sed

Obsecro, ab illo accipias uolumen, & legas

Quas quæris circumstantias, mea in quibus

Suprema salus uertitur. PA. Omnino tu breui ad

Insaniam me rediges, ut neq; uideam

Neq; audiam. Aufer nugas & ludibria. Dic

Verum: Nunquid adest ille? ME. Adest uerissime.

Sanctissimum, si uis, iusiurandum dabo

S E C V N D V S.

PA. Vbinam? ME. In illo angulo, nos false perpetim

Deridens. PA. Et peccatorum tuorum habet

Scriptum volumen? ME. Habet. Sed ueror ne tibi

Illud non traditurus sit. PA. Si uere adest,

Volumenq; habet. ultro si non uult (me uide)

Cogetur dare per uim? ME. O si. Tum facile etiam

Scripta inuito delere posses omnia.

PA. Illuc rem deducam. ME. Sed unde hanc uim tibi

PA. Ne sis sollicitus. Huc editue adfero aquam,

Et ramos aliquot consecratos arborum

Adurito, & suffitum facito celeriter.

Recte. Iam nunc aquam in hunc aspergito angulum

SA. Pappax. ME. Audis adesse? PA. Vah totus horreo.

Quin tu aspergis iterum? SA. Pappax. PA. Et tertium

Asperge. SA. Papapappax. PA. Magnum certe hoc
malum est,

Te etiam ludos facit & habet despectui,

Mihi aspergillum cedo. SA. Pappax. PA. Num & mihi

Maledicte audes oppedere? Ecce isthuc tibi.

SA. Pappax. ME. Et te, quæ uideo, non magni facit,

PA. Ferox est iam, sed sentiet qui uir siem.

Hem Satana, cur non hinc facessis ad inferos?

SA. Pappax. PA. ut te fodiant corui à torrentibus

Cum isthoc tuo Pappax. Quid uelit intelligo,

Exorcismis opus est. ME. Age age quidquid potes,

PA. Exorcizo te Satana ut mihi respondeas.

SA. Pappax. PA. Ecquod ius hic tibi aut negocium est?

SA. Pappax. PA. Hunc à peccatis mundum esse assero,

A C T V S

SA. Pappax. PA. Negas? Cur tu ergo non mihi codice
Tradis, ut absoluator etiam apud te, sicuti
Iam dudum est absolutus apud superos, bonis
Ex operibus & sanctissimi diplomatis?

SA. Pappax. PA. Exortizo te ut abeas, codice
Mihi relicto. SA. Pappax. PA. Num uis uiderier
Aduersus exorcismos esse contumax?

SA. Pappax. PA. Semper multūq; Pappax. Heus cito
Aeditue, omnem nostram cape suppellectilem,
Ut abeamus. Nunquam me memini aliquem magis
Vidisse perditum, atq; hic Mercator est,
Apud quem furie, cunctiq; cacodæmones
Totos tam ceruicose desident dies,
Ut sacris nec rebus nec uerbis pareant.

ME. Heus Paroche, quid agis? Tu ne uir es eiusmodi
Qui $\pi\iota\lambda\alpha\omega\iota\varsigma$ sit propter uentris tonitrua?

Mane obsecro. PA. Temet curato iam uale,

MER. Ne me relinquas ante peractam fabulam.

PA. Peragat alius, nullum est mihi hic uadimonium.

MER. Vbi est nunc, qui promittebat se suam animam

Pro me daturum pignori? PA. Certissima

Satanæ præda es propter peccata plurima.

Is te obfirmato hercule præstolatur animo.

MER. Et hanc mihi consolationem prædicas?

PA. Etiam. Vale. Tu perge, quid cessas? Sequar,

MER. Abi, ut fractis cruribus, in crastinum simul

Ad inferos descendas. Iam iam funditus

Interij. O me ter & quater miserrimum.

S E C V N D V S.

*Cui in cunctis auxilij nil est hominibus.
 Satanæ obseruat, uexat conscientia,
 Tantum superest locum ut mihi quæram apud inferos
 SA. Recte profecto hæc orditur tibi cantio.
 Ecquid nunc speras? Ecqua alia præsidia habes?
 Me bellatorem strënum, qui podice
 Ductores in quos sperabas deuiccerim,
 Sed quando abierunt, & me abire tempus est.
 Tu hunc interea exerceto & seruato probe,
 Ne quis callidus è manibus eum eximat meis.
 Audis quæ dico? CO. Audio. SA. Curato ergo Statim
 Ego perfectis quæ restant reportar huc.*

C H O R V S.

*Ille ter prorsus miser est quaterq;
 Cui salus & spes tenues in auras
 Cedit edocto male sana tantum
 Dogmata Papæ.
 Is suis stulte meritis superbit,
 Immemor casus ueteris gygantum,
 Se sua credens probitate cælum
 Scandere posse.
 Tendit huc uires animiq; totos
 Impetus per se ut placeat, satisq;
 Legibus cunctis faciat nihilq;
 Viribus obstat:
 Si uidet nondum satis esse factum
 Mox nouos cultus operumq; uanas
 Cogitat formas quibus absq; uerbo
 Diluat iram,*

ACTVS

Quærit & numis opicusq; frustra.
Debitas prauis superare poenas,
Et uelut iustus nihil extimere

Iudicis iram.

Sole sed postquam tenebris remotis,
Cernitur rectum simul atq; prauum.
Tum tumor fictus speciesq; recti
Solvitur omnis.

Et grauis tantum manet ira iusti
Iudicis, qui non operum mouetur
Cautus aspectu, positæ sed urget
Intima legis.

Quo licet nullis penetrare factis,
Congrui cedit celebrisq; falsi
Fama condigni, pereuntq; quos non
Gratia seruat.

Iussa si legis faceremus, atq;
In Dei uerbo stabilis foret mens,
Nec tamen nostris sequeretur ulla
Gloria factis.

Iam reos quum lex agat uniuersos,
Inq; diuersum caro flectat hærens,
Nullus ex factis alijs salutem
Adfore speret.

Christus est finis positus salutis
Solut & legis colophon fideli
Absq; quo non hoc bene facta profunt
Totius orbis.

TERTIVS.

ACTVS TERTIVS.

CHRISTVS. PAVLVS.

IN terras tibi erit eundum Paule. Accingere.

PA. *Quamobrem?* CH. *Dicam. Mercator quidam
inferis*

Propinquat peccatorum pressius pondere,

Illum decretum est reuocare, ut cœlestibus

lungatur potius. Oportet ergo eum instrui

Dum in uiuis est, & sana doctrina & fide,

Queratur Satanæ ne quam uim fieri sibi.

Vt quod iustum est iuste exequatur scilicet.

PA. *Rectum isthuc. Sed quid illuc me mitti est opus*

Quasi non regnet doctorum ubiq; copia,

Nihilq; uigilent aut curent Episcopi?

CH. *Episcopi opes curant, equos, scorta & canes,*

Cum doctrina nullum illis est commercium.

At doctorum ora quæstum sapiunt omnium.

Quos nugatores quàm doctores uerius

Dicas, ita Papatus peruertit omnia.

PA. *Hem Papatus, quod istuc animantis genus?*

CH. *Sedes est Antichristi & Babylonis γούρ.*

Ab huius doctoribus & ille doctus est,

Nimirum quo solertius petat inferos,

Secumq; ad iudicium humanas sordes ferat,

Opus est ergo ut aliter instituat, si modo

Dignus (ut in fatis est) nostro consortio,

Sit habendus. Quare abi, & ut nosti illum perdoce

ACTVS

PA. Magnum magister est negocium, malis
Per omnem etatem imbutos doctrinis, & in
Paternis usq; inueteratos uestigijs,
Persuadere ut dediscant funditus omnia, &
Doctrinis aures praebeant melioribus.

CH. Scio. Quare meo illum afflabo spiritu,
Ne aut desperet, doctrinamue tuam respuat.

PA. Oportet prorsus. Nam isthoc aiunt tempore
σκληροτερον καλον quoddam uiuere hominum genus.

CH. Ita est. Sed abi. PA. Solus ne? CH. Vt uis: Aut si
lubet

Cosmus medicus te comitetur. PA. Suades probe,
Is per quam utilis erit ad ministerium mihi.

Vah, quod ferè oblitus eram, Vbi habitat ille, quem
Ais, mercator? ne errandum sit hospiti,

CH. Accede huc, Amplam illam in foro illoc num uides
Domum? PA. Nondum. CH. Indicem obserua. Certe
ostium

Illud miniatum & apertum perspicis? PA. Etiam,
Num illic habet? CH. Tenes, Propera, nox imminet.

SCENA SECVNDA

MERCATOR. CONSCIENTIA.

NAE prorsus (intelligo) meum in caput infima
Et summa coniurârunt, cui nihil est spei,
Nihil auxilij, nil praesidij, nil remedij,

Nihil

TERTIVS.

Nihil salutis in creatis omnibus.
 Opinione citius terris auocor,
 Opes relinquunt, compedibus uinctum est lucrum,
 Medici uitam desperarunt meam. Interim
 Corpus peste uritur, animus horret iudicem,
 Peccata grauant, diuexat Conscientia.
 Satanas oppedit me rapturus ad inferos,
 Peccatorum meorum uincens codice,
 Sentio profecto quid sit esse perditum, &
 Descendere ad inferos, & peccatis premi.
 Parochus relicto me sub cultro perfidus
 Fugit, dum se nil aduersus cacodæmonem
 Perspexit posse. Quo me uortam nescio,
 Quem implorem? Suppetiæ unde aut præsidia mihi?
 Certe uideo desperandum esse fortiter
 Nechianti ore salutem quærendam à perdito.

At papæ, quàm lenis me afflauit spiritus,
 Reuocor ex inferis, spesq; redit denuo,
 Et excitatur animus ad orandum Deum,
 Ad illum me conuertam, quandoquidem mihi
 Omnes creature negauerunt opem.
 Hem, ut hætenus nunquam Dei fui memor?
 Certe sentio Dei me afflari spiritu,
 Sed quid ad hoc tandem dicis Conscientia?
 Num & à Deo nil esse auxiliij dicere
 Audes? CON. Quî dicam, quum ille possit omnia
 MER. Saluabor igitur? CON. Non contradico, uelit
 Modo. ME. Credo uelle. Nam me iussit spiritus

A C T V S

Sperare. Peccatoris mortem haud uult Deus.

CON. Mutesco. Te saluo, saluabor et unà ego,

MER. Præstolabor proinde omnipotentis manum.

SCENA TERTIA.

COSMAS PAVLVS.

Iussit ne magister? PA. Iussit. Quoties uis tibi
Dici? Accipe pixides & alexipharmaca.

Albi præsertim hellebori tres sume uncias,

CO. Cui rei tantum? PA. Præstat superesse quàm

Deesse. CO. Scio. PA. Age ergo ocyus ut eamus hinc.

SCENA QVARTA.

MERCATOR. PAVLVS.

COSMAS. CONSCIENTIA.

Satanas abiit, quiescit Conscientia,
Nec quisquam est, qui me peccatorū commonet,
Potio catapotiaq; partes agunt suas,

Supercilia eriguntur, & ante oculos mihi

Ingens bonorum operum obuersatur copia,

Propter quæ etiam me afflatus spiritu autumo,

Siquidem opera bona magni habentur ponderis

Apud Deum, nec pastor docuit perperam,

PA. Hæ sunt ædes, nisi fortè intellexi male.

Ingrediamur, patent fores. CO. I præsequar,

MER. Dictum Planudis esse uerum cerno, τὸ

ἐν ποιεῖν ἀγαθῶν ἐστὶ πληγὴ ἐλπίδων.

TERTIVS.

*Sed heu uultu me tristi Conscientia
 Iterum aspicit, & Satanae recordor codicis
 At aliquis ingreditur. PA. Salue Mercator. ME. O
 Si possim. Sed qui estis, quidq; adfertis noui?
 PA. Qui simus postea scies, iam hoc accipe,
 Ad te peccatis atq; pestilentibus
 Doctrinis pressum & irretitum uenimus
 A Christo missi, qui est dignatus perditum
 Te respicere. ME. Propter bona fortassis opera?
 PA. Audis Cosma, quò nam iste teneatur malor?
 CO. Satis quidem dictum est intelligentibus,
 PA. Nequaquam Mercator, neq; isthuc sentias.
 Gratuito te fauore ille atq; gratia
 Respexit, quibus etiam in illo ipso scilicet,
 Mundi ante constitutionem electus es.
 Sed hoc agamus. Quia respexit te, adsumus,
 Vt cura & doctrina sana imbutus, iter ad
 Cælum & cœlestium teneas consortium.
 MER. Id percupio. PA. Primum autem isthuc sciri
 uolumus
 An intellectum nobis captiuum dare
 Velis tuum, & nostro parere iussui,
 ME. Quia à Christo uos aduenire dicitis
 Non intellectum tantummodo uobis meum,
 Interna sed & externa uobis omnia
 Permitto. Curate & docete quodlibet,
 Vt peccatorum me exoneretis sarcina,
 Quibus crucior & diuexor miserrime.*

ACTVS

Et à Satana simul & à Conscientia,
Vt non longe abfim ab inferorum faucibus,
Quidquid dixeritis strenue parebitur,

PA. Hunc animum etiam coelestis tibi dedit pater,
Neq; talem hominum superba tulerunt germina,
Neq; aliqui morbus, quo te animaduertimus
Teneri, in hanc deducit te sententiam.

Quia ergo Christo & nobis te tuq; omnia
Permittis, tibi iam iam consultum credito.

Age primum quid doleat, & quid molestiae
Sustineas, nobis diligenter explices.

Vnde sciamus quo sanari possis modo.

ME. Affligor peccatis, & iam alterum pedem
In cymba habeo Charontis, & me perditum
Agnosco. PA. Primum sanitatis obtines

Gradum, quum peccatis te agnoscis perditum,
Sed habes ne aliquid interni atq; latentis mali,

Quod nostrae curae atq; operae aduersari queat?

MER. Nil quod sciam. PA. Scrutare iterum atq; iterum,

MER. Nihil

Quod sentiam, nisi quod sum semiperditus.

PA. Cur tollis dimidium, neq; prorsus perditum
Fateris, quod tamen fatebare antea?

ME. Terrebar peccatorum multitudine

Prius. Nam peccata quoties considero

Inficiari haud queo me planè esse perditum.

Quum autè occurrit, quod iussus sum sperare, tum in
Memoriam ex templo bona ueniunt opera mihi.

TERTIVS.

Ex quibus omnino me periſſe haud dicere
Auſim. Quippe Deus illa quum reſpexerit,
Cur non mihi profutura credam plurimum,
Et ad ſalutem & promerendam gratiam?

PA. Ille ipſe morbus eſt, quo te animaduertimus
Simulatq; ſumus ingreſſi, occulte deprimi.

MER. Quò nam? PA. Latentiſ aliquid monſtri con-
foes.

Et neſcio qua tumes operum fiducia.

ME. Si iſt huc eſt morbus, morbus eſt leuiſſimus,

PA. Imo (ne erres) grauifſimus, ME. Nihil tamen

Sentio. PA. Eo res in maiori eſt diſcrimine,

Leniter & tacite ſerpit hoc malum, quo ad

Concretum & roboratum corpus & animam

Perdit tandem. ME. Ita ne? PA. Nil eſt exploratius

Accede Coſma, & (ut ſcis) tactu arterias

Explora. COS. Hem nullus ineſt uitalis ſpiritus.

PA. Quid aiſ? COS. Rem ipſam. Vix nunc tandem
lentiſſimus

Sentitur pulſus. PA. Propera ergo quantum potes,

COS. Seruaſti ne urinam, ut de morbo certius

Poſſimus iudicare? ME. Non. COS. At iam cito

In uas quoddam uitreum cape, ME. Si quidem ita o-
pus eſt

En hic habes? COS. Deum immortalẽ, quid mali

Video? Reſponde. Ecquam ſumpſiſti nuper ab

Indocto potionem? ME. Sumpſi, At qui dedit

Pulchre ſibi uidebatur doctus. COS. Res probat.

Num

A C T V S

Num deuorasti etiam catapotia? ME. Plurima.
 CO. Cuius coloris erant? ME. A longe candida
 Videbantur, sed qui propius inspexerat,
 Recocta pice erant atriora: CO. Intelligo,
 Urinae prorsus iudicium accedit tuum.
 Ecquid tibi intestina dolent? ME. Non admodum.
 CO. Rigent uero erigunturq; supercilia? ME. Ne
 Ita ut uix oculos possim claudere. CO. Ecce, quid
 Venter? Num intumuit? ME. Aliquantum. CO. Sine
 uideam,
 Hui aliquantum hoc? Aut hodie eris puerpera
 Aut rumpere medius. Hunc mihi tumorem inspicere
 Paule. PA. Est profecto ingens. Quo pacto perdit
 Tantum tibi libuit mali silentio
 Tegere? ME. Quia nihil attulit molestiae,
 Sed hoc tumore, dolorem cordis uincere
 Me posse speraui. PA. Quasi oleo incendium
 Restinguere posse speres. Dic uerum. Malis
 Hic ortus est tumor persuasionibus?
 MER. Imò optimis, quantum ego reor. PA. Num coram
 dis hoc
 Cruciatus minuitur? ME. Etiam: Conscientia
 Tacente & absente Satana. PA. Praesente quid?
 ME. Non tanti facit istum tumorem, sed duplo
 Eo me perditioem asserit. PA. Haud fallitur.
 Quid si redeat. ME. Rapturus est ad inferos.
 Cacodæmones ait obesis atq; tumidis
 Impense delectari. PA. Recte praedicat.

TERTIVS.

Nam iniquitati in cœlis nullus est locus
 Nec obesi angustam per portam ingredi queunt,
 Quando igitur hoc tumore Satane non potes
 Resistere, neq; ullo pacto cœlum ingredi,
 In primis deponendus est, quo facilius
 Cordis dein dolores sedari queant.

Tu fac nobis in hoc alijsq; obtemperes.

ME. Libenter, si quidem ad salutem pertinet.

Nihilq; contradicit Conscientia.

Quid ais tu? Hunc uolo tumorem iam deponere

CON. Sapis. Nam eo, ut prædixi tibi antea

Nil consequere aliud quàm ut celerius & facilius

Damnatus ad inferorum centrum permees:

PA. Non solet hæc rectis aduersari suasis

Quantum quidem audio. ME. At prius nimis fuit

Incommoda & molesta, quasi ex industria

Cum Satana in interitum conulasset meum.

CON. Ne nunc quidem quiescerem esse molesta, ni

Te tandem respici à Deo animaduorterem.

PA. Tace paulisper. Ante Cosma quàm hunc ego

Sanis, ut est mandatum, instruo sermonibus,

Purgari placet, ut uentris subsidat tumor,

Animusq; ad sanam doctrinam fiat capax.

COS. Sic ordo rerum postulat. Sed uix tribus

Tantus tumor hellebori poterit tolli uncijis.

PA. Et tu nimium putabas. CO. Num quid uini adeste

MER. Isthic apud te in cyatho. COS. Heus puer, ab-

synthij.

A C T V S

Virentis clam duos adfero manipulos,

PA. Cui rei? COS. Vt exprimatur succus quem simul
Cum helloboro sumet in uino. PA. Mirabilis

Hæc temperatura est. COS. Morbo mirabili
Querenda temperatura est mirabilis,

PA. Intellego. Habes, Matura. COS. Haud in me erit
mora,

Hoc totum est ebibendum Mercator tibi, ut
Purgeris, desinatq; hic monstrosus tumor.

ME. Herbis isthæc potio mixta est acheronticis,
Adeo dirus & acerbus exhalat odor. Haud

Potero bibere. COS. Forti audendum est animo: Malo
Nodo malus (ut aiunt) cuneus querendus est.

PA. Clausis Mercator uno haustu exorbeto oculis
Euge audacter. Nunc ego uirum te iudico,

MER. Eheu, quanto in uentrem descendit murmuræ:

PA. Iam nunc Mercator ambas aures arrige, ut
Sumptæ uim potionis animo intelligas.

Ne corpus solum sed & expurgetur animus,
A perniciosis quibus laboras sordibus,
Conceptaq; penitus operum fiducia.

Quæ bona Deo placeant opera lex perdocet,

Vt ea quiuis scire ualeat compendio.

Hominum ne ulla adferatur excusatio

Placita se uelle facere, sed nescire, quid

Aut quo pacto factum Deo placeat. Satis

In lege officia erga Deum atq; proximum,

Etiam nostro corde ostenduntur iudice:

Quibus

T E R T I V S.

Quibus uetuit quidquam addi siue detrahi
Scilicet accurate sunt ostensa omnia.

Porro, multis in lege homines peccant modis;
Primo quidem, quod legis altitudinem,
Neq; suam humilitatem humanus cernit animus.
Vnde suis legem sperat posse uiribus
Se implere, coelumq; digitis contingere,
Hæc autem, si quæ alia, est immensa cæcitas,
Nec cæcitas solum sed & superbia,
Qua caro sibi diuinam arrogat potentiam
Infirmiorem nec propriam considerat.
Opinioni autem huic (ne me forsitan putes
Fingere, carniuæ immerito facere iniuriam)
Sanctorum autoritas reëclamat omnium,
Quis nemo sanus in hac re deroget fidem.
Et singulorum iam nunc testimonia
Recitarem, nisi breuitas obstaret temporis,
Etenim omnes ore in hoc unq; consentiunt,
Quod peccatores sint, nec fecerint satis
Carnalibus pressi ontribus, legi Dei:
Quare iudicium deprecantur, nec uolunt
Operibus freti cum Deo contendere;
Quin semetipsos damnant atq; iudicant,
Diuinæ ut gratiæ relinquatur locus.
Si huius sunt sancti (ut constat) sententiæ,
Alios sentire aliud summum est piaculum.
Quod falsa nec Deo ferenda gloria
Instantur, & coeli meritis fastigium

A C T V S

Superare seu condigne siue congrue
Se posse putant, suisq; fruuntur somnijs.

Deinde, consequitur error pertimax
Quorundam, qui sibi uidentur sanctuli,
Quandoquidem humanas tanti uires aestimant
Ut legem implere possint, huc dementia
Veniunt, quasi iustificatio suis operibus
Promereatur, peccatorumq; remissio
Ex meritis & propria iusticia pendeat:
Hinc multiplicant opera, præceptis se & alios
Excogitatis propria onerant industria,
Relictis interim post terga legibus
Quibus se debent occupare, qui Deo
Seruire uelint. Demum usu uenit, ut dum probe
Se iustificatos arbitrantur operibus
Aut lege, gehennæ mancipantur ignibus,
Nam nulla ex lege, nullis ex meritis, neq;
Factis apud Deum iustificantur homines.
Huius rei efficax est testimonium
Mors Christi, quæ humanarum plenis tibijs
Declarat imbecillitatem uirium.
Neq; Dei lex isthoc munere fungi potest
Ut iustificet, quum semper homines arguat
Esse reos, iræq; & maledictionibus
Obnoxios. Hoc est, quod Moses filios
Israel ad Iordanis usq; terminos
Perduxit tantum, nec Iordanem transiit,
Nec terram promissam potuit attingere,

Sic

T E R T I V S.

Sic damnantur, nec uitæ attingunt præmia,

Nec iusti esse queunt operum qui fiducia

Laborant, & præter leges norunt nihil

Dei quo gratia impetrari possiet.

Quamobrem Mercator, si quibus unquam es malis

Imbutus opinionibus, actutum datæ

Virtute potionis & Verbi Dei

Radicitus euomas suadeo. MER. Iam nausco

Hercule. PA. Stulte nimis & perueruerse sentiunt,

Qui, quod diuinæ legi eiusq; operibus est

Negatum, id humanis affingunt somnijs

ME. Porgite mihi peluim obsecro. PA. Abominabilis

Est domino omnis uirtutum humanarum tumor

MER. Dirumpor miser, adeo dux uelut acies

In uentre concurrunt meo fortissime.

Hem uicit pars una & insequitur alteram.

PA. Tene peluim Cosma, ego apprehendam synciput.

MER. Mooc. PA. uome audacter. MER. Mooc,

Mooc. PA. Papæ,

Quid uideo? Peregrinationes & preces,

Eleemosynas, ieiunia, indulgentias,

Vnâ euomuit. ME. Oh oh, gulam mihi peruelim

Dari ampliorem. Moc Mooc. COS. Digitos duos

Insere. MER. Moc. COS. Ecce iam. Oh, quid

isthuc obsecro?

Candelæ magnæ & plurimæ, diplomata,

Vestes sacre, toti calices, & integra

Altaria prodeunt, & bini calcei

A C T V S

Duplicatis soleis. PA. Hem quid hominis es? Papæ.

Qui ita saburratus iter ad coelos ingredi

Te posse putasti? COS. Mirum hercule spectaculum

Sed quid sibi Mercator uoluere calceis?

MER. Ad templa frequenter eundo illos attriueram,

Cuius rei uolui extare testimonium.

PA. Quàm diligentes sunt iam mortales, suis

In factis ponderandis, quasi non centies

Malorum numerus superet benefacta omnia,

MER. Væ misero nūhi, dispereo totus. Moc mooc.

Heu stomachi fundamentum planè inuertitur.

PA. Confide. ME. Mooc. CO. Vah quàm in fundo atq;
in intimis

Habitarunt isthæc. Missæ sunt & Vigiliæ,

Psalteria, & patronorum fiducia.

ME. Mooc. CO. Quid isthuc Paule, quod geniminibus

Viperarum simile prodit? PA. Sunt tam aliena quàm

Propria merita. CO. Deum immortalem Paule, quæ

Tanta hominum est dementia, tam friuola ut uorent

Aut comminiscantur? PA. Satanae plantaria

Et antichristi Cosma doctrinam uides,

Quam iam uniuersis fermè inseuit cordibus.

Quid ais Mercator, ecquid sentis reliquum

Quod non euomueris? ME. Nihil, nisi uiscera

Etiam euomenda sunt. PA. Viscera curet alius.

Nobis aduersus Antichristi dogmata

Adeoq; peruersam contra fiduciam

Negocium est. MER. Nullo laborò dogmate,

Hei

T E R T I V S.

Hei misero uenter inanitate murmurat,
 PA. Ne timeas. Heus Cosma. Ventrem arbitror satis
 Iam purgatum. Cunctus enim subsedit tumor,
 Sed adhuc trucibus & elatis oculis manet.

CO S. Verum est. PA. Quare mihi & purgandum
 caput

Cerebrumq; uidetur. Ergo, ut scis, nasturcio, aut
 Alio quodam medicamine fac ut sternuat.

CO. Istud non magnam postulat scientiam

Mox fecero. Admoue nares, & spiritum

Attrahe. Recte. Hoc modo unà & pectus & caput

Purgabuntur. Oculos claude atq; synciput

Manu altera tene. Hui quam fortiter. MER. Hei mihi
 Cerebrum exquassatur. CO S. Iam nunc arcte è na-
 ribus

Mucum emunge. Ohe, multas meritorum & operum

Bonorum emunxit opiniones. PA. Optime est.

Sciebam prorsus aliquid in cerebro mali

Residere. Supercilia ressecato sorspice,

Sic satis. Oculi iam atq; supercilia recte habent.

MER. Me miserrum, ut tenuis atq; exuccus, & nihil

Quam syphar hominis uestra sum factus opera.

Ne cerebrum me quidem iam habere iudico.

Neq; quidquam humanarum in me restat uirium,

Adeo me elumbem constituit purgatio.

Iam iam profecto per foramen acus iter

Si mihi sit agendum, facillime confecero.

PA. Ad cœlum ituros tales esse conuenit.

A C T V S

Sed age dic mihi, quid nunc de te uerissime

Dicere habes? ME. Id quod dixi, sed nec mentiar

Si me omnium qui uiuunt perditissimum

Dixero. PA. Recte. Ecqua præsidia salutis aut

In temetipso, aut in creatis omnibus

Nosti? ME. Sed aduersantur mihi omnia.

PA. Si igitur tibi contingat salus, num è gratia

Dices aut ex meritis tuis contingere?

ME. Ex gratia prorsus. PA. Quid ex meritis tibi

Deberi ais? ME. Vt non unus me Cerebrus

Deuoret. PA. At iusticias tuas quanti aestimas?

MER. Ah tantidem quanti sterqus. PA. Iuste aestimas.

Nihil ergo gloriaris, sed te perditum

Planè agnoscis, etiam si haberes omnia

Monachorum & totius mundi opera atq; merita.

MER. Eò magis essem perditus. PA. Hinc te collige

Ab humanis planè expurgatum sordibus,

Et esse diuinæ capacem gratiæ.

Vis liber esse à peccatis & consequi

*Salutem? MER. Volo. PA. Vis expeditam ad
hoc uiam?*

*MER. Volo. PA. Crede ergo in Iesum Christum
& saluabere.*

*MER. Quid de illo credam? PA. Quod pro pecca-
catis tuis*

Sit mortuus, & resurrexerit, ut innocens

Et iustus habereris coràm Deo. Is tua

Iusticia, sanctificatio & redemptio est.

MER.

TERTIVS.

ME. Nunquid tu his contradicis Conscientia?

CON. Quis diuinis contradicat sermonibus?

Quin & peccatorum obliuiscor omnium.

ME. Sed Satanae codex mihi molestus est nimis.

PA. Mortem Iesu Christi Satanae furoribus

Et peccatis, magna opponas fiducia.

Nunquam poterit accusare electos Dei,

Quos Christi uiderit conspersos sanguine.

ME. His dictis (sentio) suffragatur spiritus,

Qui cordi illabatur meo, & fiducia

Simul & amore erga coelestem implet patrem?

PA. Isthuc tene, Satis ad salutem instructus es.

Dei duntaxat te commendes gratiae,

Vt perficiat quod in te coepit opus bonum

ME. O quantam conspicio salutis copiam:

Quam uultu me benigno respicit pater?

Quam & hilari uultu me iam Conscientia

Aspicit? **PA.** Isthaec credentis animi indicia sunt,

Proinde perge. Satis in Christo diues es,

Satis iustus, satisq; tutus ab inferis.

Quia igitur isthaec te credere cognoscimus,

Esseimus id, cuius sumus ad te gratia

Missi. ME. Credo Christum iusticiam omnem meam

Esse, eiusq; opera me a peccatis liberum.

At uobis merito magnas habeo gratias,

Quod & istud me docuistis, & a prioribus

Prauis doctrinis animum expurgastis meum.

Quibus me oneratum & inflatum, semper tamen

A C T V S.

Propter peccata momordit Conscientia,
 Ea nunc quiescit, neq; me accusat ut prius,
 Diuinæ scilicet concedens gratia;
 Hac pacata, nihil etiam Satana mihi
 Formidabilis erit codex. In hac fide
 Neq; inferorum portas extimescam ego.

PA. In unum Christum colloca fiduciam,
 Quod contra omnia mala tibi erit alexipharma;
 Nobis ad superos redeundum est, & interim
 Etiam atq; etiam caue, ne quis fallacijs,
 Hanc tibi fidei simplicitatem contamine.

ME. Meminero & faciam. PA. Nos abimus iam, uale

ME. Pergite foeliciter. Iam tandem sentio
 Quid inter hominum commenta & Verbum Dei
 Interfit, & Dei quid possit gratia
 In seruandis hominibus, qui alioqui suis
 Cunctis uiribus ad inferos descenderent.
 Redeat nunc Lyochæres, aut Satana uel decem
 Animo securo & tranquillo moriar, satis
 Sciens Dei me seruatum iri dextera.

C H O R V S.

Que tanta mundum uexat inertia,
 Quousq; tandem lumina perdidit,
 Vt nesciat rectum atq; prauum,
 Nec bona nec mala rite cernat?

Magnis requirit friuola sumptibus,
 Artesq; caute discit inutiles,

TERTIVS.

Et utiles post terga linquit,
Haud opibus totidem parandas.

Quid non agit pro corpore debili
Sanoue? Qua non sollicitudine
Victus laborat comparandi,
Seq; suosq; fouens benigne?

Cur non eodem sollicitus modo est
Aut cur laboris cessat & ingeni
Vigor, futura pro salute, &
Præsidij animæ quietis?

Si artes quis omnes atq; scientias
Perdiscat, isthic uiuet & ingeni
Fructus quidem carpēt suauēs,
Corporeos tamen & caducos,

Hoc iura quæerunt, hoc medici uolunt,
Hoc rhetores hoc artifices simul
Spectant, scopum omnes hunc labores
Terrigenum inspiciant oportet.

Fiunt probe, nec dicimus amplius,
At nulla pax est cordibus impijs,
Nec doctus indoctus uē seui
Rumpere uincla potest tyranni.

Non rhētores, non hoc medici docent,
Non iurium solertia multiplex,
Nec principis mundi furores
Grammatici moderare possunt:

Verum ē supernis nī doceat pater,
Christumq; nobis spiritus inserat,

ACTVS

Frustra laborat mundus omnis

In superas penetrare sedes:

Constat. Tamen non pectora pandimus

Nec sustinemus scire, quid à patre

Demissus edoctusq; narret.

Filius, ille redemptor orbis.

Pars illius uerbum exitiabili

Repellit ira & persequitur male

Sub hæresis nota, nihil qua

Sors tulerit magis expiandum.

At pars ueterno turpiter incubant,

Sus deq; censent quid doceat Deus,

Si suppetit uini panisq;

Copia, sat sibi sunt beati.

Pars magna quædam scandala subserunt,

Deiq; uerbum in ludibrijs habent,

Et ut sonet nunquam se iniquo

Haud perhibent animo daturus

Absq; hoc tamen nil cætera proderunt.

Cura nihil, nil & sapientia

Prodest, nec ullæ artes doliq;

Iudicis effugient ab ira,

Sic magna dūste pars hominum perit,

Et sempiternis uritur ignibus.

Nam nescit & nescire uerbum

Et manibus pedibusq; cirat.

QVARTVS.

ACTVS QVARTVS.

LYOCHARES, PRINCEPS,
EPISCOPVS, FRANCISCANVS.

H Vi ite, ite, properate. Iam olim oportuit
Iudicio adesse. Gressu uix testudinis
Inceditis. Haud unquam alios æque repperi
Tardos. Num etiam post mortem uos podagra tenet?
PRI. Non ô bone, Num uolare nos tot sarcinis
Onustos posse putas? LY. Quæ ergo dementia
Adegit, tantam uos ferre supellectilem?
EP. Quasi nescias nos ad iudicium pergere. LY. Scio
Equidem isthuc. Sed quid ad iudicium pertinet
Altaria, templa, sacella, monasteria, precum
Ingentes codices, cucullos, & alia
Tam ridicula quàm inania ferre, lentius
Ut conficiatis iter? PR. Næ tu imperitus es
Papisticae doctrinae. LY. Qui sic? PR. Iudicem his
Placare uolumus donis & corrumpere.
LY. Quid, iudicem? PR. Ita inquam. LY. Facinus egre
gium hercule
EP. Ita est ut dicis. LY. Si quidem potestis. PR. Ob
Num isthuc dubium est? LY. Non uulgare profecto.
PR. Quid ais?
EP. Equidem profecto si sapis, hunc non audies,
Quippe, ut uidetur, non est theologus. FRA. Neq;
Ut arbitror, Scotum aut Alexandrum de Ales,

A C T V S

*Aut Bonauenturam, aut Angelum, aut Thomam, aut
Capram,*

*Aut illos qui iam sunt doctrinae Principes
Emserum, Vitzelium, Coclear & Eccium,*

*καλοῦς τε καὶ γαδοῦς unquam triuit. Namq; si
Secus esset, sciret certo causas ordine
Ob quas talia saluandis huc ferenda sint.*

*LY. Vah, tu mihi uideris sapere, Sed promoue
Gradum, nisi mauis sustinere uerbera,
Cum Satana disputato coram iudice.*

*Non memini quando alios unquam citauerim
Aequæ hydropicos & podagrosos, aut plura qui
Et grandiora ad iudicium gestauerint,
Quorumuē ita moeste fuerint Conscientiæ
Vos, (ni fallor) peregregie peribitis.*

*Nam & obesi estis grauesq; & Horco plurimum
Supellectilis adfertis. Quare ut fortius*

Vos possidere laboret Satanas nil opus.

Suapte enim natura ad centrum grauiasse

Mouent. EP. Ne curato. Nil est periculi,

Nullius Satanæ formidamus impetus.

*LY. Maeste excelsa animo. Quid frustra stultus ego
pro*

Vobis timeo? Iam hoc me loci opprimini.

Diuortar huc paulisper, mox reuenero.

SCENA

Q V A R T V S.

SCENA SECVNDA.

PRINCEPS, EPISCOPVS,

FRANCISCANVS.

ILle hinc abiit truculentus noster carnifex.
Ecquid animaduertistis illum pendere
Nostrum apparatus parui, imò nihili propè.

EP. Animaduertimus. Ad desperandum nos lubens
Suis dictis perduceret. Sed nihil agit.

PR. Quin & conuicia dixit perituris quasi:

EP. Deo nos acceptos fore non intelligit.

FRA. Hoc agit (in mundo quod sycophanta pluri-
mi) ut

Nos iurgijs à recto deijceret statu.

Vtq; maledicis dictis exterriti, omnia

Relinqueremus impedimenta & sarcinas,

Vacuiq; appareremus coram iudice, &

Salutis omnem abijceremus fiduciam,

PR. Mihi hercle commouit animum, spemq; minuit

EP. Caue sodes, ut quid genio auscultes malo.

FR. Cedo, quis te instruxit morituroq; adsuit?

PR. Tui ordinis Seraphici uenerandus pater.

Is hæc imposuit, & his me iussit fidere.

Gregaliumq; suorum meritis & bonis

Operibus grauidum prægnantemq; reddidit,

Ita ut perspicias. FRA. Instructus es ad uitam satis

Caue saxis ut abijcias temere quidpiam.

Nam & nos res serimus ad iudicium eiusmodi, &

Speramus

A C T V S

Speramus nobis profuturas admodum.
 Nam suprema hæc Papatus est instructio.
 EP. Suprema & optima est. PR. Videtur hercule
 Siquidem & meus instructor se aliam confessus est
 Nescire armaturam, alioqui doctissimus.
 Sed, (amabo) quia fors nos coniunxit ad hoc iter,
 Idemq; iudicium citati accedimus,
 Nostrum unusquisq; dicat, qua fiducia
 Præ cæteris fretus confidit iudicem
 Fore placatum. In quibusdam nos uideo pares,
 At rursus in quibusdam ualde dispares.
 Aequè tumemus omnes, æquè sarcina
 In tergo est compacta & constricta fortiter
 Nostrum unicuiq; Meam mihi quidem mala
 Imposuit quæ sequitur Conscientia.
 Quo pacto & uestras uobis impositas reor,
 Mæstæ quoq; sunt nostræ omnes Conscientiæ,
 Similiter & terram intuentur cernue.
 Cæterum in armatura magna est diuersitas.
 FRA. Nihil est absurdum. Quid? Pictos in pariete
 Nunquam ne uidisti Diuos? PR. Sæpissime.
 FR. Vidisti certe alium alio ornatum modo,
 Petrum clauibus, Ioannem calice, libris
 Augustinum, Paulum gladio, Laurentium
 Craticula, Lapidibus Stephanum, Dominicum
 Lupo & face, quinq; Franciscum uulneribus, ut
 Interim equites totos cataphractos taceam. Ita
 Etiam inter nos non miranda est diuersitas.

PR. Intel-

Q V A R T V S.

PR. *Intelligo. Sed meam uobis fiduciam
Iam exponam.* EP. *Hic sumus, Expone.* PR. *Præter
bona opera*

*Quæ magna summa emi, & præter sumptus, quibus
Templa & cœnobîa construxi, & præter alia*

*Quæ magna spe suffarcinatus adfero,
Summa spes est in Pontificis diplomate.*

Quo mihi peccatorum omnium remissio

Etiam plumbo firmata est. EP. *Spem bonam obtines.*

At mihi præter cætera bicipiti in insula, &

Empto bis quindecim aureorum millibus

In pallio spes est, & ea quidem optima.

Etenim hæc me testabuntur ex cœlestibus

Esse, & non uulgari exornandum gloria.

PR. *Quia spei non aduersaris meæ, neq;*

Ego tuæ aduersabor. Per me ita pergas licet:

Cui tu Franciscane fidis maxime?

FR. *Ego? Me uobis præcursum esse arbitror*

Albis equis. EP. *Tu? Qua quæso fiducia,*

FR. *Religionis, paupertatis, castitatis, &*

Obedientiæ, in quibus est perfectio.

Cucullo tamen isthoc fido præ cæteris,

In quo impossibile est ut damnetur quispiam.

Vt à Deo promissum est Seraphico patri.

PR. *Papæ. Tanta ne latet in uestitu sanctitas?*

FR. *Prorsus. Neq; hoc Coclear nec Eccius negant*

Etsi utilia suadenti inducitls animum

Obtemperare, saxo ut eisdem utamini

ACTVS

Mecum praesidijs. EP. Cupimus, ut & pro isto loquar

FR. Inclinate ergo capita, ut uestis uos sacra

Obumbret. Sic satis. Iam nunc omnes simul

Eadem aduersus Satanam spe pugnabimus.

Hoc uno confirmastis uestra opera omnia,

Vt apud Deum quam plurimum ualitura sint.

EP. Ita ne tandem? FRA. Nihil est hoc certo certius

PR. At quis nostram in iudicio causam acturus est?

FR. Quis, nisi patroni, quos quisq; ex Diuis habet

Quos delegisti tibi? PRI. Matrem ipsam iudicis,

Et Ioannem Baptistam. FRA. Insignes hercule,

Et eos ipsos qui utrinq; assistent iudici,

Si qua modo habenda est hic fides pictoribus.

EP. At ego Petro me & mea commisi Apostolo.

PR. Soli ne? EP. Ita. Potens est in caeli curia,

Ipsasq; clauas ad caeli portas habet.

Vt possit intromittere quando & quem uelit.

FR. Ita etiam me Francisco soli credidi,

Qui pro me semper quinq; gestat uulnera,

Quibus ualet quod diuorum nemo ualet.

Sed cur cessat redire Lyochares, ut hinc

Eamus ad merita & condigna gaudia,

PR. Non uideo cur nobis properandum etiam fiet

Cui pereundum est, satis mature deperit

Vel uesperari. FR. Quid hominis es? Si nos salus

Falleret, haud scio quo non pacto omnes falleret.

Q V A R T V S.

SCENA TERTIA.

LYOCHARES. MERCATOR.

Quid est Mercator, nondum à Francosfordia
Rediisti, ME. Neq; uero illuc iui, neq; adeo
Ire uolo, nec in hoc natus me fugit terra.

LY. Eia. Quin tu ergo surgis, nam tempus uocat.
Ut eamus. MER. Quin tu dicis mihi. Equidem haud
moror.

LY. Iam dudum te comites expectant. MER. Ecce
haud moror.

LY. Agē ergo ocyus. MER. Ecce, inquam, me accine
et uin probe.

I praesequar. LY. Quid agis? Ita ne ibis uacuis et
Absq; suppellectili? MER. Non uacuis o bone,

LY. Sume ergo quae sumpturus es. MER. Immo
habeo omnia.

LY. Quanam? MER. Bonum et tranquillum ani-
mum mecum fero, et

Fronte exporrecta una ibit Conscientia,
Cetera mortua suis relinquam mortuis.

LY. Rara auis es, et rara est isthaec sapientia,
Quare ex facto hoc tuos comites mirabere.

ME. Quid illi, Num alia quaedam secum deferunt?

LY. Plurima. Sed sequere. ME. Te uero sequor lubet.

SCENA QUARTA.

FRANCISCANVS, PRINCEPS, EPISCO-
PVS, LYOCHARES, MERCATOR.

A C T V S

Sed ecce redit Lyochares festino gradu,
Eumq; æquis duo sequuntur passibus.

EP. Comites fortasse nostri ad iudicium. **FR.**
Arbitror.

PR. Vir est & mulier quædam. **FR.** Conscientiam
Viri puto. **PR.** Si est, nostris ea Conscientijs
Disimilis est. **FR.** Quam in re? **PR.** Rogas? Ma-
gnam arguit

Vultus serenitas dissimilitudinem.

FR. Et nostræ erunt serentæ quum perspexerint
Nos omnia uicisse bonis operibus mala. Is
Falso dicitur aliquo fortasse gaudio,
Quod mox rediget iudicium ad mœstitudinem.

PR. Sed nonne uidetis, quàm ille sit exilis, citus
Vacuusq; ab omni onere? **FR.** Subita præuentus est
(Vt opinor) morte, aut uino aut in bello occidit,
Nihil unquam habens curansue habere operis boni.
Melior longe nostra est conditio. **LY.** Illos uides
Tuos comites. **ME.** Papæ Lyochares, diues &
Tumidum sodalitiū. Sed Conscientiæ
Illorum uah quàm nutant astantq; tetricæ.

LY. Quid nunc agitur? **EP.** Expectatur. **LY.** Nun-
quid placet,

Adduco uobis comitem? **EP.** Imò hercle per placet.

ME. Saluete. **FR.** Nos quidem salui recte sumus.

Tu ut saluus sis, non etiam curasti probe.

ME. Quis sic? **FR.** Cur non tunc? cur nil operis boni
Ad iudicium adfers? **ME.** Imò uero plurima

Adfero

Q V A R T V S.

Adfero. EP. Nimirum qui es nuce cassa cassior.

ME. Nemo prudens thesaurum in propatulo gerit;

Inq; uia præsertim obfessa à latronibus.

FR. Loquêris forsan hic nobis sententias?

Vah tibi. ME. Væ uobis hisceq; uestris sarcinis.

PR. Mittite male ominari. Dic tu quæso, cur

Ita uacuuus aduenias, & cur alio modo

Atq; omnes alij, & quàm nos instructus sies?

LY. Nihilominus & inter loquendum pergite.

Iam dudum scio iudex tribunal occupat.

Vobis dico nullis marianis, pergite.

Vos tonsi præcedite nisi uultis uerticem;

Actutum hac uobis uirga prorsus deglubi.

EP. Ne sæui quæsumus, pergemus strenue:

PR. Heus tu, quisquis es ad me concede paululum:

Tenuitatisq; tuæ mihi ediffere modum.

ME. Fui ego ita ut uos timore insigni præditus.

Constrictaq; erat huc perferenda sarcina

Ex uarijs & meritis & operibus bonis:

Quæ multum in iudicio mihi essent usui.

Sed nescio quo fato, Conscientiam

Molestam sum sortitus ac incommodam,

Quæ omni reclamauit meæ fiduciæ,

Donec spem omnem mihi ademūt cum puluisculo.

LY. Procedite inquam. PR. Quid? Nullā illa sarcinā

Tibi imposuit, ut nobis impositas uides?

ME. Ingentem prorsus, qua me pressit ad inferos.

Sperare nec ullo potui pacto gratiam.

A C T V S

Et iam iam Satanae ultro me uolui addicere:

Sed ecce cœlesti sum afflatus numine.

EP. Genio aliquo fortasse malo. FR. Ita ut prædicar:

PR. Tacete obsecro. ME R. Statim aderat Paulus
cum optimo

Quodam medico, id quod ex euentu colligo,

PR. Quis ille Paulus? ME. Apostolus. Ille funditus
Omnem helleboro mihi tumorem depulit.

PR. Quid ais? ME. Eum cuiq; opera magni ponderis,

PR. Apage, haud places, qui bona opera euomueris.

FR. Hunc

Quòd audias, te uehementer miror. PR. Nihil

Periculi est. FR. An etiam nondum intelligis

Hæreticum esse? PR. Satis. EP. Mirum ni exustus fuit.

PR. Quid postea? ME. Omnes sunt ablatae sarcinae

Et anteriores et posteriores simul.

Et maiorem in modum exhilarata est tum mea

Quæ ponè sequitur Conscientia. PR. Quo id modo?

ME. Vnius concepta Christi fiducia.

EP. Hæreticus te aliquis misere decepit mi homo.

ME. An deceptus sim nescio, pacem me quidem

Sentio adeptum cunctis abiectis operibus

Sola fide. FR. Hem sola fide? ME R. Ita inquam. FR.

In pessimum.

Ruisti dogma hæreticorum hæreticissime.

Si Paulus isthuc te docuit, prorsus fuit

Papistica imperitus sanctimonia.

Quin si hoc perget docere passim, mox sacro

Romane

Q V A R T V S.

Romana sedis percutietur fulmine.

ME. At bruta nihil ille extimescit fulmina.

LY. Pergite, quoties uobis dicendum est? Pergite

EP. Miror, qui nam Paulus tandem reuixerit

Cuius iam olim, doctores nostri & Episcopi, &

Nomen & antiquata ignorarunt dogmata.

Nullumq; (quod sciam) in Romana curia

Locum obtinuit. FR. Demior te isti credere

Qui aut cerdo fuit, aut, quod credo magis, carnifex,

Aut quid refert, si iam reuixit maxime?

Non Christianorum est doctor sed gentium.

Viuat Cocleare & Vicelius & ceteri

Quos iam sors Christianis doctores dedit,

Quosq; audiendos de cœlo intonuit pater.

ME. Scilicet. At si tantum armaturæ fidei

Vestræ, cur non erigitis Conscientias,

Minutos terræ etiam obseruantes calculos?

FR. Dicam. Fidimus eadem opera & diffidimus:

Nescit enim homo utrum sit dignus amore uel odio.

Ita nos armatura nostra fortes sumus,

Et interim sunt mœstæ Conscientiæ

ME. Mirum prorsus negocium. FR. Quamuis bene

Speremus propter opera nostra plurima,

Tamen iudicii illæ formidant exitum.

Qui semper est incertus. ME. At mihi certus est:

FR. Credo hercle. Nam certissime damnaberis:

LY. Coram iudice si quid lubet, contendite.

Nunc iter agendum est. Ecce cucullate hoc tibi.

ACTVS

Nolo te frustra hic instituisse Academiam.

SCENA QUINTA.

SATANAS, FRANCISCANVS, EPISCO-
PVS, LYOCHARES, PRIN-
CEPS, MERCATOR.

MAle perdat deus istos sophistas impios,
Quibus die hodierna mane à summo statim
Ad hoc usq; diei uocatam operam dedi.
Adeo nihil sine me uolunt concludere,
Neq; in minimis rebus neq; etiam in maximis,
Ideo fortassis, ut si res male cesserit,
Expediant se, atq; omnem in me culpam transferant,
Contentur. Ego mea facta tuebor approve,
Neq; satebor culpam quam nunquam fecerim.
Cuius iussu quaeso aut instinctu ita hodie
Frequentes conuenerunt? Quo referente tanta
Atrocia inierunt contra uerbum dei
Consilia? Ego hercle meos inspexi codices
Tota nocte, ut quorundam scirem crimina,
Quibus hodie in iudicio aduersari uolo.
Ut ergo legi & annotaui crimina, è
Vestigio reos perrexì inuisere,
Ne quis eos è manibus eriperet meis,
At medio in cursu me Sophistarum uocat
Cohors, sibi ut adesset, magni interesse illud mea
De quo consultando sit habenda concio.
Postquam ueni, cognoui tandem quid rei
Effet,

QVINTVS.

Eſſet, Conqueſti ſunt ſe Euangelio premi.
 Nec ad extirpandum quidquam ſe prioribus
 Conſilijs proficere, quare ſe quid noui
 Excogitaſſe aiebant, quod proponere
 Vellent meo ut etiam probarem calculo.
 Ita auſcultando ac decernendo congrua
 Tantum diei contriuiimus. Vnde metuo
 Ne aut iudicium neglexerim, atq; nemine
 Accuſante & contradicente, iudicis
 Meos uideam abſolutos iam ſententia.
 Aut recte docti in extremis reſipuerint.
 Verum ſaxo ſciam tamen quæ geſta ſint
 Curriculo. Extemplo, ſi eſt quod metuo, capitula
 Sophiſtica ſpiritus exagitet uertiginis.
 Quorum opera tantum mihi periit lucrum.
 Euax. Res ſaluae ſunt. Saltare collibet.
 Nunc primum ecce uenit Lyochares. Omnes probe
 Inſtructos uideo, & rite mea ex ſententia.
 FR. Væ nobis, rectè Satanas obuiam uenit.
 Quo ſuades fugiamus Lyochares? LY. Quin ego
 Vt procedatis ſuadeo, niſi uerbera
 Mauultis accipere, quæ prolixè dabo.
 Non eſt iam fugiendi nec tempus nec locus.
 MER. Vbi eſt tuus herculeus iam animus, ut beſtiam
 hanc
 Conſicias & pro te, & pro nobis omnibus?
 SA. Cur tam ſero uenitis electi mei?
 Lyochares, cur tam ſeruus? LY. Cum tot oneribus

A C T V S

Hos asinos non citius potui protrudere.

SA. Credo. Hercle me breui ditissimum fore

Video, quum mihi tot quotidie accedant opes.

Sed ubi relictus est Mercator optimus?

LY. Eccum. Non agnoscis? SA. Non agnosco, neq;

Esse arbitror. LY. Est ut dixi, neq; alius heri

Vllus mercator huc citatus est. SA. Age

Sophistarum iam iam aspicio uertiginem,

Nam isthic certe è retibus ereptus est meis.

Dum alia agere habens illorum synodo interfui.

Neq; tumet, neq; quidquam fasciculorum gerit.

Ha ha sophistæ quam pulchre uobis lucrum hoc

Rependam. Vab stultus ego illos qui audiuerim.

At in ærim uos tres cita mecum pergite, ut

Acceptum in uobis detrimentum sarciam.

FR. Apage à nobis in maximam malam crucem.

SA. Vos quoq; mecum commilitones optimi.

EP. Quid ui trahis nos? An non qui simus uides?

SA. Video hercle perspicue uos esse acheronticos

Et impiorum iungendos collegio.

FR. Imò cœlestibus. Quid uum nobis facis?

SA. Quid multis opus? Huc aio mecum pergite.

PR. Heu Lyochares, ui trahimur. Quin fieri inhibes.

EP. Heu indicta causa corripimur ad inferos.

Ad iudicem cœlestem prouocamus. LY. Heus

Satana, mitte, equum postulant, tibi suadeo

Ne manibus ius tuum obtinere quærites.

Sed expectes iudicis & tu sententiam.

SA.

Q V A R T V S.

SA. Quid in re aperta aut iudice aut iudicio opus?
 Tam hosce meos esse nosti, quàm quos maxime.

LY. Non inficias eo, sed isti pernegant.

Qua nobrem ius decerni iure conuenit.

SA. An nescis, qui non credit iudicatus est?

LY. Scio. Sed isti se arbitrantur credere.

Quod uerum ne an falsum sit, iuris arguet

Dicussio. Vt ne ipsi quidem possint queri

Vim aut ullam deniq; sibi fieri iniuriam,

Quare uim cohibe & iudicium unà accedito,

SA. Huc ergo si quid libet. Ad iudicium etiam

Recte meditatus uenio. Experiar hercle an

Ita uentriosi, totq; onusti sarcinis,

Cœli portam uel tandem possint ingredi.

Hoc sanè pro uobis laborabo magis,

Quo estis habitiores. Neq; tamen te negligam

Mercator, quanquam es quouis pumice siccior.

Queretur certe, quo mihi omnes uendicem, &

Sophisticum ne quid noceat negotium.

C H O R V S.

Periculosum, frivolum ac inutile,

Quin & nihil damnosius,

Quàm si suis audax opinionibus

Quis fidit in rebus sacris.

Mortaliumq; ducitur prudentia,

Innititurq; erroribus,

Aut spem fidemue fingit, aut bonum aut malum

ACTVS

Autoritate Principum,
 Papistica persuasus aut ecclesia,
 Verbi Dei absq; numine.
 Nullum ualens proferre testimonium ex
 Apostolorum litteris:
 Spei nec suæ consentiunt oracula
 Accepta sunt quæ coelitus.
 Falletur ille spe fideq; protinus,
 Illusus & damnabitur.
 Ceu qui cibum potumq; sumit somnians
 Et excitatus esurit,
 Sic ille spe gaudebit hic multum quidem
 Quam non probabit exitus.
 Beatus ille quem Dei uerbum docet,
 Certoq; ducit tramite.
 Vnde actiones profluunt omnes suæ,
 Nec fallitur fiducia.
 Et spem fidemq; firma sustinet petra
 Non diruenda fluctibus
 Qualem Dei uerbum esse nullus hæsitat,
 Qui sit salutis particeps.
 Quod spes & acta firmat atq; credita
 Cernenda præbet exitu.

ACTVS QVINTVS. CHRISTVS, PETRVS.

Certe Satanas magnificum quid commentus est
 Dum Papatum finxit, suisq; negocijs

Q V I N T V S.

Præposuit. Nihil enim Papatu audacius,
 Nihil tetrius. Nil fidei perniciosius.
 Nihil arrogantius, Nil pestilentius.
 Nil quotidie Horco plura mittit funera,
 Aut bello aut doctrinis perdit a deterrimis.
 Egregium impietatis stabilimentum, nouis
 Quibusdam pietatem eradicans artibus.
 Quotquot iam Christiano tecti pallio
 Isthuc ueniunt, non fidunt misericordia aut
 Fauore meo, sed iudicio cum iudice
 Contendere uolunt, allegantes congrui
 Aut condigni meritum, à monachis uidelicet
 Edocti, nouorum nominum inuentoribus.
 Rarus meæ adfert mortis huc fiduciam.
 Ex quo Papatus colligitur industria
 Quam nauat studiose inferorum Principi.
 PE? Dissereat Papatus cum propter plurima,
 Tum quod se prædicat sumpsisse originem
 Ex me. Malim autem produxisse Cerberum,
 Quàm tale magister aduersans monstrum tibi.
 CH. Non te accuso, nec partus est tuus, scio.
 Huiusq; olim poenae mendacij dabit.
 Donemus interim, ut meo se uel tuo
 Nomine, ne, qui sit agnoscatur protegat.
 Tibi certe eius opera minuitur labor.
 Nec atteruntur clauēs isthoc tempore
 Frequenti apertione, omnibus euntibus
 Iustissima ad inferos trusi sententia.

A C T V S

Non gentes iam duntaxat ut olim, sed & ij
 Qui Christiano censerī nomine uolunt,
 Scita mei iudicij & processum nescium.
 Quasi non denunciauerim clarissime,
 Non solum rationem hīc reddendam esse omnibus,
 Sed & quæ sit satisfactio pro debitis.
 Veniunt magnis quidem sed nihili sarcinis.
 Et adulterino confisi numismate,
 Quis debita nec soluunt nec possunt soluere.
 PE. Demiror te Papatum posse perpeti
 Ita diu in exterminum omnis rei sacræ?
 Et ut perfundat tenebris omne hominum genus?
 CH. At si tenes quæ olim dixi haud mirabere.
 Quod nonnunquam diu permanet iniquitas,
 Non est fauor sed potius indignatio.
 Sed ecce Lyochares uix tandem cum suis
 Satana præcedente aduenit. Quisq; in suo
 Sedeat loco, & causis horum animum aduortite.
 Tibi statera Michaël aptata sit probe.
 Tibi Paule in promptu scriptæ sint sententiæ.
 Vt pellegas quum fuerit opus & iussero.

SCENA SECYND A.

LYOCHARES, PRINCEPS, EPI-
 SCOPVS, FRANCISCANVS.
 MERCATOR.

VT

QVINTV8.

VT dixi, iudex tribunal occupat;
Senatusq; omnis in suis sedet thronis.

PR. Heu uultu nos irato iudex aspicit.

FR. Non nobis, sed huic haeretico iratus est,

Qui in extremis (ut ait) euomuit bona opera.

MER. Haud poenitet euomuisse. Et exitus deus

Docebit, cui nam iudex iratus fiet.

FR. Tuam haud emerem salutem uiciosa nuce.

LY. Consistite in ordinem, & ut quisq; uocatus erit,
huc

Accedat, & pro se Satana respondeat.

FR. Miror Franciscum non adesse, cui meam

Commisi causam omnem. Hem deinceps qui uolet

Se diuorum commendet cuiquam. PR. Ego mihi

Meos patronos arbitrabar in uia

Occursuros, at ubi sint neutram conspicio.

EP. Meus illic sedet inter assessores, parum

De me (ut uidetur) sollicitus. FR. Certum est tamen

Franciscum ubi ubi etiam sit aduocari

Vt adsit. Ita ne me in iudicio deserat?

SCENA TERTIA.

LYOCHARES, CHRISTVS, PAVLVS.

SATANAS, MICHAEL, PRINCEPS.

EPISCOPVS, FRANCISCANVS.

MERCATOR.

A C T V S

MEt uende Iudex, Adduxi hosce quattuor
Quos iussus sum. Quod uero ueni tardius,
Non mihi sed illorum imputato sarcinis.

CH. Recte. Iubeto nunc fieri silentium.

LY. Audite. Silete & dicendi date copiam.

CH. Lege Paule decretum patris, quantum potes

Clare. PA. Ego Dominus Zebaoth & rerum conditor.

Volo hominibus notum esse omnibus & singulis.

Quia primus homo transgresso quod præceperam
Mandato, non se solum peccati reum

Fecit, sed simul omne suum uiciauit genus.

Statim ut mortis in hereditatem cesserit.

At erga humanum genus ego misericordia

Tactus, statui inde à detrimento tempore,

Perdita reparare in filio unico omnia,

Vt spe bona mihi mortales fiderent,

Ab intolerabili mortis tyrannide

Erepti, & translati in fauorem gratia.

Quia ergo, simul ac tempus uenit congruum,

Filius unigenitus mecum eadem sentiens,

Libenter opus ad definitum paruit,

Descenditq; è supremo coeli uertice

In uirginis uterum, similis mortalibus

Carne induta factus, sine peccato tamen.

Atq; dein uerbum mundo inculcauit palam,

Nimirum quæ suæ esset missionis &

Aduentus ratio & causa, donec omnium

QVINTVS.

Suos in humeros sumptis peccatis (mihi
 Cunctorum hominum uti soluerentur debita)
 Decurrentis guttas sudauit sanguinis,
 Seq; mihi uictimam obtulit placabilem,
 Inter latrones morte probrosissima
 In cruce moriens. Quia mihi (inquam) isthuc paruit;
 Placuit & eterno est sancitum fœdere;
 Vt summa rursus uestiatur gloria,
 Cœli terrarumq; potestatem gerat,
 Et absq; eius nutu nemo moueat manum.
 Quod iusserit fiat sitq; ratum perpetim,
 Quod uetuerit non fiat & sit irritum.
 In eo solo omnis hominum consistat salus.
 Nemo saluetur nisi in illius nomine.
 Et omnia pro arbitratu disponat suo.
 Conuertat, seruet, reprobet, damnet quem uelit.
 Vita & mors ad uerbum iugiter obtemperent.
 Decreui præterea, ut sit ineuitabilis
 Viuorum ac mortuorum iudex. Exigat
 Factorum rationem à satrapis & regibus,
 A cacodæmonibus, à tyrannis omnibus,
 Ab infimis & summis. Et sententia
 Quamcunq; aut ad uitam aut ad mortem dixerit,
 Stent & mortales cum creatis omnibus.
 Nec ulla prouocandi sit licentia.
 Nolo ego damnare quem filius absoluerit.
 Sed nec seruare uolo ille quem damnauerit.
 Firmiter isthæc pro meritis decreui suis,

A C T V S

Hofles donec fuos pedum conſpexerit
 Poſitos ſcabella ſuorum deſpectiſſima.
 Actum in coeli arce, mei poſt mortem filij
 Anno primo. CH. Iam autoritate cognita
 Voca Lyochares ſingulatim quemlibet,
 Vt ſolitam reddant rationem & reſpondeant.

LY. Accede Princeps primus ad ſubſellia;

Et de cunctis in uita acceptis à Deo,
 De principatu, dignitate, honoribus,

Diuitijs atq; poteſtate atq; cæteris
 In tota uita, rationem probabilem

Reddas, ſi modo cupis ſalutem conſequi.

Tuaq; ratio ad decalogi ſpectet terminos.

PR. Væh mihi, primus uocor. Tu procede obſecro
 Franciſcane, & pro te & pro nobis omnibus.

FR. Nequaquam. PR. Non eo. Quin tu is Epifcope.

EP. Memento iam diplomatis & procedito.

SA. Vbi nunc priſtina ueſtra eſt audacia & animus?

CH. Attrahe Lyochares ui reluctantem, neq;

Enim ſponte iturus uidetur. LY. Huc eas.

SA. Iudex metuende, licet ne pauca proloqui?

CH. Licet. SA. Quoniam ueteri dictum eſt ſententia;

Qui baptizatus crediderit, ſaluabitur,

Qui uero non crediderit condemnabitur.

Ita ut in fide omnis iudicij diſcuſſio

Conſiſtat. Fruſtra mihi uidetur calculus

In horum accipiendis teri rationibus.

Mihiq; diu rem iudicatam protrahi.

Quippe

Q V I N T V S.

Quippe mihi constat horum credere neminem,
 Quod facile non stupidus ex multis colligat.
 Nec te isthuc iudex qui nosti omnia præterit.
 Proinde postulo ne audiantur, sed mihi
 Ut ante damnati addicantur protinus.

CH. Quid uos Satanae respondendum arbitramini,
 Qui uos sibi caussa indicta addici postulat?

PR. Quid, Nisi quod iniquum postulat, ut solet,
 Calumniatur enim nos credere pernegans.

Quomodo non crederemus populi capita? Eam
 Nos fidei articulos scimus quam qui maxime.

SA. Articulos fidei scire, non est credere.

Quare ne iudex audiantur postulo,
 Sed mecum eant digna accepturi præmia.

EP. Non equidem tua moramur præmia. Nec tibi
 Fidei orthodoxæ principes seruiuius,
 Credentes, quicquid Romæ credunt optimi,
 Penes quos soluendi ac ligandi copia est.

SA. Ligant sanè illi & soluant quicquid lubet
 Modo sit sine præiudicio & iudici & mihi.

Præcipui Romæ sunt mei & mihi seruiunt.
 Nec recte credunt, nec recte credere docent.

Quamobrem illorum isthic nil ualet autoritas.

FR. Quid agis Satana? Quamuis uincas mendacijs
 Hos esse tuos, attamen haud uinces me, nisi &
 In perfectos te ius habere somnias.

Tua postulato, nec eo usq; impudentiæ
 Procedas, ut cœlestibus iniicias manum.

A C T V S

SA. Quos mihi perfectos aut cœlestes obijcis?

Scio quos dicas. Qui mihi perfecte seruiunt.

Et eadem opera iungi uolunt cœlestibus.

Ex quorum corte etiam tu ades sanctissime.

Sed iudex, altercando laceramus diem:

Quin hos iubes iam nunc prandere apud inferos,

Mihiq; iudicatos addicis meos?

EP. Negamus nos esse huius, sed iudex tuos.

Quod nos probare posse non diffidimus

Ex sarcinis quas ferimus, quare quæsumus

Ne indicta caussa aduersum nos pronuncies.

FR. Ferre potes Satana, iudex ut decernat, an

Caussam nobis dicere liceat? SA. Et maximè:

Quandoquidem Iudex uos esse meos perspicit.

CH. Lege decretum Paule. PA. Quoniam Sata-
nas reos

Quòd non credant, sibi indicta caussa petit

Addici, at contra illi se affirmant credere,

Idq; probaturos ex allatis sarcinis.

Placuit Christo atq; Apostolico senatui

Rei ut audiantur, & ratione reddita,

Quibus queant modis ut se credere probent,

Expensis donec sarcinis appareat

An credant nec ne, ne queratur quis sibi

Iniuriam fieri, sed iuris copia

Data, legitimæ subiaceant sententiæ.

FR. Recte isthuc habet. At porrò Iudex quæsumus,

Quia unusquisq; nostrum patronos sibi

Peculias

QVINTVS.

Peculiares ex diuis selegit, &
illis uiuentes strenue seruiuimus,

Vt nostram causam agerent isthuc uenientium,

Nempe hic Baptistam habet & Mariam matrem
tuam,

Is uero assessorem tuum Petrum Apostolum,

Heus quos tu habes? MER. Nullos. FR. Hec
Nullos? Væh tibi.

Cæterum ego Franciscum elegi mihi unicum:

Hos iube nobis adsint, & huc iam prodeant,

Vt nostris in se meritis referant gratiam.

SA. Non uero admitto ullos patronos, nec alijs

Nec uobis, nec peregrinum istum morem sino

Iudicio huic introduci. PR. Te iudice.

Sed iam non abs te quaerimus sententiam.

SA. Recte. At quid si ego uobis patrociner? Nam
haud parum

Pro meritis in me uestris uobis debeo.

Sed quid opus multis? Decernat iudex & hoc.

EP. Isthuc ipsum petimus. CH. Animū huc aduortite.

Lege decretum Paule. PA. Quia manifestum est satis

Post mortem inter bonum et malum haud esse mediū,

Sed rebus exempti humanis, aut impij aut

Pij sunt. Nec pij patronis indigent,

Quum illis sit exploratus iudicis fauor.

Neq; piorum ullus patrocinator impio,

Nec impius auditur causidicus pro impijs,

Placuit Christo atq; Apostolico senatui, ut

ACTVS

Reorum quisq; & stet pro se & respondeat.

Quum hic ueritate non calliditate sit opus.

SA. Et isthuc recte habet. LY. Te iam rationibus,

Dandis para. Vos cæteri in uestrum locum

Consistite scorsum donec uocemini.

SA. Mihi, uideo, sunt explicandi codices:

Negocium gliscit. ME. Recte ego fiduciam

Patronorum euomui. LY. Tacete cæteri.

Audis Princeps, rationes expedi cito.

CH. Dic iam quid acceperis unquam in uita tua

Et quomodo expenderis. PR. Acceptorum quidem

Non magna est copia iudex, & quantum æstimo,

Expensa uincet accepta omnia plurimum.

CH. Quo pacto isthuc? PRI. Si quid pro acceptis
debui,

Dissolui, missumq; tuus me uicarius

Fecit, & operibus insuper ornauit bonis.

Pro quibus ex condigno atq; congruo mihi

Debetur merces, ut te mirer poscere

A me rationem, & non magis de præmijs

Mihi dandis cogitare. SA. Euge ut uirum decet.

CH. Quid tu ais? Ecquando dissoluisti debita?

Quo teste? Quo numismate? Quis uicarius

Te missum fecit? PR. Oh Romanus Pontifex.

Quasi nescias illum tuum esse uicarium?

Is me etiam isthoc communijt diplomate,

Perlege. CH. Non accipio. Nec ullus est mihi

Qui præsens sum regoq; omnia uicarius.

Est

Q V I N T V S.

Est quod dixi olim, permultos fore, non modo

Meos qui se uicarios mendaciter

Sed & Christos essent dicturi perfide.

An me puerum putasti, cui fieri satis

Diplomatis uel bullis queat inanibus?

Aliter reddas rationem oportet, & fidem

Melioribus confirmes testimonijs.

PR. Neq; scio neq; didici aliter, sed hæc satis

Vel maximis pro debitis esse arbitror.

Et opera isthæc omnem testificantur fidem.

CH. Qui nescit nescitur. Quare nil agis.

Recita tu ex codice omnia huius debita.

SA. Per summas duntaxat capitum, an per singula?

*CH. Præcipuas summas recita. SA. Scriptæ sunt
probè,*

Pro principatu, dignitate, honoribus,

Diuitijs atq; potestate, atq; cæteris

Quæ externa ac interna accepit, mille attica

Debet talenta. Quòd autem hæc cuncta nequiter

Prodegit, & est abusus in superbiam,

Non contra homines solum sed & aduersus Deum,

Talentorum sanè tria debet millia

Porrò quod hostili te Christum & tuos manu

Est persecutus, et pro unius sanguine

Occisi, millia talentorum quindecim

Debet. Præterea ex decalogo pro cæteris

Et uerbis & factis, millia debet decem.

Summarum summa, Viginti nouem facit.

A C T V S

Talentorum atticorum millia. Pro quibus
 Illum mihi Iudex addici postulo,
 Donec soluat quadrantem etiam nouissimum.

CH. Tot tantaq; debita te soluisse prædicas?

PR. Prædico, Diploma uide. Quin tantū haud debuit

SA. Non? Quia it inficias, perscrutetur sarcina
 (Iudex) quam tergo fert. CH. Fiat. Dissolue tu

Lyochares & scrutare. LY. Vah quā fortiter
 Es constricta. At nihil necessum est soluere.

SA. Qui sic? LY. Extra numerus omnis signatus est

CH. Lege ergo. LY. Summa summarum omnium
 quæ in hoc

Perscripta sunt fasce, nouem & uiginti facit

Talentorum atticorum millia. His manu

Propria subscripsi conscientia principis,

PR. Heu ueris uincor. SA. Iam iudex intelligis

Et hunc debere plurimum nec credere,

Nec esse soluendo, quid superest nisi ut mihi

Donec soluat dedatur? PR. At ego supplico

Iudex, nec ab hoc permotus aduersario

Sententiam præcipites. Diploma accipe.

Et si quid hoc non est solutum, plurimum

Mecum attuli bonorum operum & summa merita.

Quibus solui potest, atq; probari fides.

SA. Erras homo, res non agitur hic diplomatis.

Sed qui bona egit est salutis particeps,

Qui mala uero æternis dabitur incendijs.

PR. Bona ergo nonne me fecisse perspicis?

QVINTVS.

Ex quibus & debita queant solui & perspicere
Fides? SA. Nondum. PR. Næ tu calumniator ex
Professo es, qui non uideas quæ uides bona.

SA. Impietatis hîc non fidei uideo opera,
Et adulterino te fretum nomismate.

PR. O hæreticorum singularis artifex,
Qui isthæc adulterina uoces atq; impia,

SA. Litis iudex nullus erit finis, nisi tua
Quid sentias dicatur iam sententia.

CH. Lege decretum Paule. PA. Quia reus ex sarcini-

Et diplomate, cunctisq; quæ secum attulit,

Et debita se confidit posse soluere,

Fidemq; demonstrare argumentis suam,

Placuit Christo atq; apostolico senatui,

Vt debita ponderentur atq; sarcinae,

Ipsusq; totus insigni cum aqualiculo,

Acquis utrinq; iam in statera lancibus,

Vt quanti ualeat cum suis intelligat:

SA. Placet sententia. PR. Neque hercle mihi displicet.

MIC. Huc ergo accedite. CH. Pone Michael sarcinam

Quam tergo huc gestauit, sui insciens mali,

Talentorum atticorum uiginti nouem

Millia scilicet. MIC. En sunt in lancium altera.

SA. Quid si meum etiam apponam iudex codicem?

CH. Appone. MIC. Vah uix hæc statera sustinet.

CH. Tu contra pone in alteram quidquid lubet:

A C T V S

PR. Diploma satis erit. MIC. Nondum. PR. Addam
plura, si

Opus fuerit. MIC. Adde. PR. Propria hæc sunt bona
opera.

MIC. Nondum satis, PR. Addam & quæ emi aliena.
MIC. Nil agis.

PR. Mirum profecto negociū. Addam etiam hæc tria
Altaria, monasteriumq; diues, &
Vestes sacras, sat hæc superq; erunt, scio.

Sine. MIC. Nil trahunt. SA. Quin simul imponis om-
nia

Quibus fidis, nec sic uinces debita tamen.

PR. Scio te isthuc uelle. At ego te disruptum uelim
Sacella duo ponam, quæ construxi affabre.

MIC. Frustra sunt PR. Miror quidnā hoc sit negocij:

SA. Tuum ego ingenium demiror prorsus plumbeum,
Qui non expendas, quanto sanguis ciuium,

Euangelijq; causa & contemptus Dei,

Rapinaeq; ex quibus construxisti omnia,

Istis cunctis tuis nugis potiora sint.

PR. Ne mea curato. Omnis mouendus est lapis.

Age, Misse restant & ieiunia & preces,

Et acquisita merita, quæ addam deniq;

Vt dispercas quum me uicisse uideris.

Nunc sine uideam. MIC. Vide. Ne his proficis quidem.

Palæe sunt aridæ. PR. Ne rideas precor.

MIC. Profer alia si habes. PR. An quid sit reliquum
haud scio.

Q V I N T V S.

Hei mihi. Sed sarcinas scrutabor penitus. Oh
Ponderis haud exigui adhuc indulgentias
Repperio. Hem nunc, uide. MIC. Tipulae sunt. PR.

Hei mihi

Quàm sum grauatus in his portandis sarcinis,
At eam quam tergo gestavi sensi leuem,
Isthic mirabilem experior catastrophem,
Illae apparent leuissimae atq; nullius.

Ponderis, at isthaec contra prorsus plumbea.
O ubi iam est Franciscanus animam qui suam
Pro me & pro debitis opposuit pignori.

SA. Quid tempus terimus? Quin & hunc imponi-
mus?

CH. Michael, Lyochares, & tu unà hunc imponite,
MI. En sic, LY. Papæ. Plumbeus in nostra erat manu,
Sed aduersus debita uidetur plumbeus.

PR. Heu heu, quàm turpiter deceptus sum miser.

CH. Sat uisus est. Deturbator iam ex lance. Quid
Nunc? Credis? Aut qua re solues debita?

SAT. Obmutuit. CH. Ad sinistram hunc Lyochares
loca.

Et alium accersere. LY. Heus tu, tibi dico Episcopo
Accede huc, atq; tuas rationes explica.

Tuamq; confirmes fidem quantum potes.

EP. Heu quàm male ratio successit Principi.

Totus trepido. Vin tu pro me procedere?

FR. Quin & ego ad usq; pedes à uertice horreo.

Hint isthuc, quòd patronis destituimur, &

A C T V S

In ignoto orbe uersamur apud iudicem.

*Magno animo sis. Tumes egregie, & insula es
Episcopali insignitus præ Principe.*

*EP. Recte mones. Ille prophanus quidam fuit,
Nec cognitus nec commendatus iudici.*

*LY. Quid consultas? CH. Et hunc Lyochares ui at-
trahe.*

LY. Ecce hoc tibi. Cur non accersitus uenis?

*CH. Expone rationes. EP. Num me scis Christe, qui
Fuerim? CH. Scio. Tu temet quoq; faxo ut scias.*

EP. Episcopus fui præcipuus in grege.

SA. Id scilicet Iudex quod inter oues lupo.

EP. Tace rabula. CH. Rationes inquam expone. Dic

*Quid debeas pro acceptis. EP. Quam potius rogas,
Quid mihi pro meritis operibusq; debeas?*

*SA. Recte ita uiuam. CH. Dissolue primum quæ mihi
Debes, tum & ego resoluam quæ tibi debeo.*

*EP. Nihil tibi quod sciam debeo. CH. Non mihi pla-
cet*

Hæc ratio. Ergo ne mecum uis contendere?

*Recita tu ex codice quid isthic mihi debeat,
Scio te accurate perscripsisse singula.*

SA. Vis ergo singula recitari? CH. Nil opus.

Præcipuas summas, ut prius, recita. SA. Bene.

Pro dignitate ecclesiastica, atq; pro

Honoribus & potestate, & pro corpore

Proq; anima, & pro donis utriq; præstitis,

Proq; alijs externis internisq; omnibus

Q V I N T V S.

*Talenta mille debet attica. Porro, quod
 Pro acceptis nunquam gratias egit, sed in
 Superbiam abusus est, & contra te & tuos
 Verbis, factis & cogitationibus,
 Consilij, cæde, hostiliq; animo insaniit,
 Papæq; uelut Deo seruiuit unico,
 Talentorum duodecim debet millia,
 Præterea, quod fuit scortator improbus,
 Et audax cunctæ transgressor legis Dei,
 Dolium & auariciæ prorsus inexplebile,
 Suosq; quod oneribus deglubit subditos,
 Et pro alijs decalogi transgressionibus,
 Talentorum decem debet millia. Dein
 Et pro innocentum plurimorum sanguine, &
 Quod inter Principes scuit discordias,
 Talentorum alia item debet millia decem,
 Summarum summa, triginta tria conficit
 Talentorum atticorum millia. Cæterum ut
 Hæc uera cognoscantur, scrutetur uolo &
 Huius sarcina quàm fert, à conscientia
 Tergo impositam. LY. Consentit & hæc prorsus tuis
 Satanarationibus. SA. Ecce. CH. Et tu te prædicas
 Nihil debere: EP. Non consueuimus homines
 Pro acceptis aut nostris pro iniquitatibus,
 Vnquam tam accurate rationem ponere,
 CH. Vt dicis, quare uos absorbent debita.
 EP. At quanquam tanta debeo, iste tamen tumor,
 Et insula biceps palliumq; & bona opera,*

Et cætera

A C T V S

Et cætera in meis allata sarcinis,
Vel pro maioribus facile facient satis.

CH. Quia igitur & tu in hac opinione es, &
Isthac fretus peruenisti huc fiducia,
Lata prius & te suscipiet sententia.

Quare actutum omnes ad stateram pergite, &
A tergo debitorum auferte sarcinam
Et in alteram stateræ ponite lancium,
Tuumq; si uis Satana appone codicem.

SA. Volo uero maximè. Lites huiusmodi
Quantum ego quidem existimo, celerrimè & optime
Statera dirimuntur. MIC. Hic sunt debita.

CH. Et illum quantus quantus est, in alteram
Cum meritis & operibus, & bicipiti insula.
Cumq; supercilijs arduis & aqualico,

Cumq; alijs quas secum apportauit sarcinis
Imponite. LY. Vah & hic in nostris plumbeus
Est manibus. EP. Nil profecto me imponi est opus.

Facile uincant merita. SA. At impositus facilius
Vinces. Sinite nunc. MIC. Eiusdem propè ponderis
Musca esset imposita. EP. Hei mihi quàm grauiasunt
Debita, & aduersus ea collatus sum nihil.

In terris hercle magni habitus sum ponderis.
Nunquàm hanc speraui fabulæ catastrophem:

SA. Id rectè tu quidem & mea ex sententia,

LY. Oppido leues iam terra fert Episcopos

CH. Deijcite iam. Sat apparet quanti fiet.

Heus tu, iam perspicis quid nam mihi debeas.

QVINTVS.

Nec sis soluendo, quodq; in te prorsus tuam
Omniem, non in me, statueris fiduciam.

Quid tibi debeo? SA. Quàm piscis mutus est magis.

CH. Et hunc Lyochares ad sinistram colloca.

Et alium accerere. LY. Heus tu cucullate, huc ueni.

Operumq; tuorum da rationem iudici,

FR. Vicit Satanas illorum neutrum credere.

Nec exoluisse peccatorum debita.

Scilicet imperfecti fuerunt, nec opera

Supererogationis habuerunt, quæ ego

Mihi per uiginti annos paravi sedulo.

Ibo igitur, facile ratio constabit mea.

Magno animo Iudex iudicium accessi tuum.

SAT. Imò etiam magno uentre. FRA. Opera scien's
bona,

Quis per multos annos haud segnem operam dedi.

Tibi diu noctuq; studiose seruiens

Ieiunando, orando, & uigilando plurimum.

Insper & ab ouis abstinui atq; carnibus.

Interula quoq; propter te sum usus lancea:

Et sacrosanctum istum gestavi habitum, in meæ

Probitatis iusticiæq; testimonium,

Et canabino me succinxi fune, ne

Mihi cum prophanis conueniret quidpiam:

Præterea ex calceis fenestratis pedes

Prospexere, ut censeret mundus integre.

Quid castitatis memorem & obedientiæ,

Paupertatisq; munia perfectissima?

A C T V S

Omnis caute tactum fugi pecunie.

Mendicandoq; uictum quasiui meum. In

Summum ita perfectionis perueni gradum.

SA. Quantopere perfectus sis, hic testabitur

Codex, inq; tuo pendens tergo sarcina.

FR. Tace calumniator. Quare horum memor

Iudex, haud istius audies sycphantias,

Si quid criminis obijcere conabitur.

Quin potius mihi pro tanto in te studio, ut bona

Digna; des præmia cogitabis. SA. Te hercule

Virum iudico. CH. Næ tu planè imperitus es

Tractandarū hic rerū. Quid mihi opera tua occinīs

Aut cur præmia pro illis à me audes poscere?

Qua te fronte mihi seruiuisse prædicās?

Quis iussit facere opera, quæ commemoras bona

FR. Franciscus. CH. Francisco ergo, non in his mihi

Seruiuisti. Proinde ito & ab illo tuam

Poscito mercedem. Mihi pro acceptis iam, adeoq;

Pro, ex lege aut contra factis rationem expedi.

FR. Atqui ea nulla existimo ratione digna, quæ

Francisci non expresse dicit regula.

CH. At ego contra existimo ratione digna, non

Quæ Franciscus aliquis, sed quæ iussit Deus.

FR. Istud equidem nostri magistri non docent.

Si quid tamen ad iussa Dei attinet, & illa me

Compleisse puto, & supererogasse plurima.

Vnde mihi merces ex condigno competit,

Aut si id forte minus, certe tamen ex congruo.

CH. Video

QVINTVS.

CH. Video cuius farina sis, & quòd tibi
 Tanquam iusto iustorum poscas præmia.
 Quapropter ut hic tibi error excutiatur, ex
 Codice Satana cuncta huius prome debita.
 SA. Ausculta tu perdiligenter, ut tuæ
 Omnes perfectionis perdiscas gradus.
 Primum pro corpore & anima & pro dotibus
 Internis externisq; sexcenta attica
 Debet talenta. Porro quòd hisce nequiter
 Abusus est, & corpus robustum quidem,
 Molliciei & ueternoso ocio dedit,
 Animam autem uarijs imbuit impietatibus,
 Duo millia & quadringenta talenta attica
 Debet. Præterea quod pro concionibus
 Verbo Dei impie & præfracte restitit,
 Et contumeliose de illo locutus est,
 Talentorum nouem debet millia. Dein
 Quòd proditione & consilijs uerbi duos
 Interfici fecit præcones, quindecim
 Talentorum millia debet. Sed quòd fuit
 Cynædus, & uerbis factisq; plurimis
 Legem Dei transgressus est, millia decem
 Talentorum debet. Sic omnis debiti
 Summarum summa est, atticorum millia
 Septem trigintaq; talentorum. Et ne neget
 Vide Lyochares quis numerus in sarcina
 Signatus sit. LY. Tuo prorsus conuenit & hic.
 SA. Ecce attulit hanc perfectionem nescius.

ACTVS

CH. *Tantum debes. Pro quo tibi poscis præmia?*

FR. *Rogas? Pro enumeratis ante operibus bonis.*

CH. *At ego solutionem iam pro debitis-*

Enumeratis plenam postulo. FR. *Nunquam hercule*

Tot me animaduerti contraxisse debita.

Sed inficiari nequed, ita testimonijs

Oppressus sum uel mille à Conscientia.

Vtcunq; tamen habet res, ex his quæ attuli,

Hac præsertim sacro sancta ueste, omnia

Absolui diluiq; possunt, ut dein

Et mihi condigna debeantur præmia.

SA. *Quin in statera expendi iudex præcipis*

Et debita huius & quæ opponit debitis.

CH. *Sic fiet omnibus qui mecum litigant:*

Vt se cognoscant nullius esse ponderis.

Proinde actutum uos stateræ debita,

Et contra hunc cum suis omnibus imponite.

MIC. *Huc ergo Lyochares à dorso sarcinam*

Istius trade. LY. *Habes.* CH. *Iam & hunc cum calceis*

Cumq; cucullo alijsq; quibus fudit omnibus

In alteram ponite. LY. *Et hic ponderosus est.*

SA. *Tantum ne superos petat, haud contra debita.*

MIC. *Discedite iam. Pondus haberet maius culex.*

Distendit operam dare rebus tam inanibus.

FR. *Vah, illius quanta grauitas est sarcinæ.*

Non æquam esse hanc stateram oportet, in qua ego

Cum tot bonis operibus tam uideor leuis.

In Papæ iudicio nihil est hac ueste, uel

Q V I N T V S.

Gravius uel dignius uel sanctius, & ea
Indutos omnes pro perfectis iudicat.

CH. Deturbatote murmurantem protinus

Et ad sinistram collocate. FR. Prius ego

Ruituram omnem coeli putassem fabricam,

Quam mea opera, & praesertim hanc uestem ita
nullius

Momenti & ponderis fore contra debita.

S A. Concede huc aio uirorum perfectissime.

Et tecum si placet perpetuo ringere.

CH. Reliquum accerse Lyochares. L Y. Heus Mer-
cator huc

Et tu ad iudicis accede iam subsellia,

Et pro uita tua rationes explica

MER. Desiderate iudex. In terris ego

Verbi tui monitu meis pro debitis

Subduxi rationem, quam credo firmiter

Et hic & perpetuo tibi probarier.

Intelligens enim mea multa debita,

Et ex operibus iustificari neminem,

In te solum omnem transtuli fiduciam.

Constat enim te ob peccatores missum a patre.

Nimirum ut illorum peccata solueres,

Patriq; reconciliares in sanguine tuo,

Nec ullum ita grande conflauisse debitum,

Quod non in te tolli queat fiducia.

Hoc missio, officium, mors & sanguis tuus,

Victoria, regnumq; tuum atq; resurrectio,

ACTVS

Testantur. Insuper Prophetæ & Apostoli
In hoc uno ore omnes consentiunt, tuo in
Nomine remissionem esse sitam debiti,
Nec credentem in te condemnari quempiam.

Credo igitur & mea te soluisse debita,
Tuaq; solius opera esse liberum
Ab inferis, peccatis, morte atq; Satana.

In cuius rei præclarum testimonium,
Nullis stipatus huc perueni sarcinis,
Neq; meis neq; alienis fretus operibus,
Nec ullius causidici confisus opera.

Magni duntaxat faciens misericordiam,
Qua me suscepisti & conseruasti prior,
Qua & me spero conseruatum iri perpetim.

SA. Subdolan hic iudex est palpator. Te caue
Decipiat. Eius iam recitabo debita,
Tu quidquid debet, ut dissoluat præcipe.
Nec ita phaleratis acquiescas uerbulis.

MER. Num tu Satana accusabis electos Dei.
Si me accusabis, accusabis iudicem,
Qui debita in sese mea cuncta transtulit.

SA. At ego constanter te electum esse pernego.
Qui plurimis seruiers iniquitatibus,
Pro quibus accusabo te, ut quod meritus feras.

MER. Vtrum sit uerius iudex pronunciet.

CH. Lege decretum Paule. PA. Qui reus pro
debitis

Vnius Christi nititur fiducia,

Quod

Q V I N T V S.

Quòd scilicet illa suo soluerit sanguine,
Cui diuini uerbi consentit ueritas,
Placuit Christo atq; Apostolico senatui,
Ne debita eius conquirantur, nec aliquis
Vllo pro debito illum accusare audeat.

Qui contrà fecerit læsæ habeatur reus
Maiestatis, suæq; serat audaciæ
Poenas, quòd aduersus deliquit iudicem.

SA. Si non sophistis extreme malefecero
Regnum ruat meum. Nam illis dum operam dedi,
Ex retibus tum isthic meis elapsus est.

CH. Tu ad dexteram huc consist. Lyochares iube
Fieri silentium. LY. Silete, attendite.

Summam ut iudex pronunciet sententiam.

CH. Quoniam Mercator hic credidit, & ita fide
Solutionem debitorum nactus est.

Placet mihi atq; Apostolico senatui
Vt iustus, in iustorum transeat locum, &
Patri mihiq; sit coheres perpetim.

Et quoniam hi tres non credidere, nec fide
Sua curarunt ut soluerentur debita,
Sed in se & sua confisi, me contumelijs
Meosq; infandis affecere iniurijs,
Hostesq; se meos probarunt strenue, ut
Ita quisq; eorum plus quam unam animam debeat,
Placet mihi atq; Apostolico senatui,
Vt impij in impiorum transeant locum,
Inq; inferorum fundo condignas luant

ACTVS

Impietatum suarum poenas perpetim.
 Donec quadrantem etiam soluerint nouissimum.
 Dixi. Tu hunc Petre iustorum iunge cœtui.
 Tu (ut scis) Satana, tuos curato molliter.
 SA. Scilicet omnem in eos euomam aegritudinem hanc
 Quam mihi sophistarum mala peperit cohors.
 Venite nunc ut prandeamus, appetit
 Meridies. FR. Nos ab hac omnes sententia
 Forma optima modoq; prouocamus ad
 Patrem cœlestem. Quis ferat hanc iniuriam,
 Probi ut damnentur & seruetur improbus,
 Qui nullam unquam operibus operam dedit bonis?
 SA. Oh, non uacat patri uos ut hodie audiat.
 Quare mecum, Cras si patri uidebitur,
 Latam contra uos retractet sententiam.

EPILOGVS.

Sic ibunt hi poenas ad perpetuas, sed in
 Contrà cœlestium iungetur cœtui:
 Ut utraq; doctrina suos habeat exitus.

CHORVS.

Papatus pereat dicite supplices,
 Qui Christi cupitis crescere gloriam;
 Nugis quam ille suis destruit impie,
 Praue ut constituat suam.

Papatus

QVINTVS.

Papatus pereat dicite supplices,
Longæuiq; senes & iuuenes simul;
Ne uos ille suis impietatibus,
Iram ad perpetuam inquinet.

Papatus pereat dicite supplices,
Quiscunq; est animus uiuere perpetim,
Ne uos præcipites in barathrum trahat,
Aut mortis capiat iugo.

Papatus pereat diximus, impij &
Fundamenta quatit continuo throni
Cœlestis pater, ut præsidio suis
Se monstret fore iugiter.

Papatus cecidit, plaudite fortiter,
Iamq; Euangelij fidere ducimur,
Non incerta salus pectora gaudiq;
In cunctis fouet ubere.

PSALMVS QVIN-
TVS CARMINE REDDITVS
per Eobanum Hessum.

Vincenti pro hereditatibus Psalmus
Dauid.

Percipe uerba tuas non uana ferentis ad aures
Mi Deus, & lingua suscipe uota mea.
Conceptas admitte preces clamantis, & audi,
A te solo aliquam uerba rogantis opem.
Quo sine non alius Deus est mihi, non alius rex
Quem precer, aut coram quo mea damna querar.
Nunc rogo digneris pater exaudire uocantem,
Quamprimum orta noui lumina solis erunt.
Mane nouo tua templa petam, spe plenus adibo
Te quoq; ut obseruem quid tua dextra paret.
Non equidem Deus es ceu uana è gente Deorum,
Impia cui placeant, qui mala facta probet,
Te neq; consistet coram ueri impius osor,
Turba maligna tuos corruet ante pedes.
Ante tuos oculos stulti fugere, nec unquam
Conspetus poterint fulmina ferre tui.
Omnes nanq; habuisti odio male semper agentes,
Vindice te mendax lingua coacta tacet.
Sanguinis & cadum cupidos Deus odit, abhorrens
Quorum sunt uarijs pectora plena dolis.
Ipse autem tua templa petam, tua limina uisam,
Confidens animi de bonitate tui.